

四庫全書

子部

欽定四庫全書

萬姓統譜卷一百九

明 凌迪知 撰

去聲

二十五徑

鄧南陽徵音殷時鄧侯吾離曼之國以國為氏又望出長沙

周鄧相鄭大夫

漢鄧彭祖沛人字子夏嘗從梁丘賀子臨受易仕至真定太守

鄧宏番禺人有謀畧權勇武帝元狩末羅弘舉宏為屬國都尉尋為南海郡丞後至日南太守善於

柔遠民
夷懷之

鄧平

仕為太史丞
造大初歷

鄧先

城固人景帝時為校尉擊吳楚及還帝問七國
聞誅晁錯兵罷否曰七國反謀已久發怒削地

非為錯也帝
曰公言善

鄧騭

析人更始元年遣大將軍申屠建等討莽至武
關騭與里人于匡等起兵應之西拔潮敗莽虎

士於回谿遂開武關迎漢兵引
軍至長安共誅莽拜前將軍

鄧禹

字仲華新野人幼游學與光武相親光武收河
北杖策往見說曰明公莫如延攬英雄務悅民

心立高祖之業救萬民之命光武大悅與定計
議任使諸將多訪於禹以前將軍持節入關名

震闕西拜大司徒封高密侯參議大事卒諡元侯禹內文明薦行淳備有子十三人各使守一藝長子震次襲次珍俱封侯自後累世貴寵為侯為公者三十一人大將軍以下及州牧郡守九十八人其餘侍中等官不可勝數

鄧訓

字平叔禹第六子少有大志顯宗初為闕下士士多歸之會上谷變詔訓屯兵為防

鮮

卑不敢近塞元和初拜張掖太守凡有來者待以恩信小大感悅皆款塞納質遂與屯兵久之卒於官羌胡旦夕臨哭者數千人

人家為立祠元興初諡敬侯

鄧鴻

禹少子好籌策永平中以為小侯引入與議邊事帝以為能拜將兵長史高宗時為度遼將軍

永元中與大將軍竇憲俱出擊匈奴有功徵行車騎將軍

鄧晨

字偉卿新野人世吏二千石娶光武姊更始立以晨為常山太守會王郎反光武自薊走信都

晨請從擊賊光武曰以一身從我不若以一郡為我北道主人乃遣晨歸郡光武追羣賊晨助射士輸餉不絕封房子侯晨樂郡職復歷中山汝南太守定封西華侯諡惠

鄧彪

字智伯新野人禹之宗父邨以功封鄼侯彪少勵志修孝行父卒讓國異母弟荆鳳明帝高其

節許之後仕州郡辟公府累官太傅錄尚書事賜爵闕內侯在位清白為百僚式尚

鄧騭

訓子以后兄累遷車騎將軍定策立安帝封上蔡侯不受時西羌叛詔騭將兵討平之拜大將

軍於是推進賢士楊震等列於朝廷上書還第有大議與公卿叅謀建元初復封上蔡侯尋被誣徙羅侯卒朱寵訟其冤復錄其子孫

鄧康

禹之孫夷安侯珍之子少有操行兄良襲封無後以康紹封為越騎校尉康以太后久臨朝政

宗門戚滿數上書諫爭宜崇公室自損私權言甚切至太后不從因謝病不朝太后怒遂免康

官遣歸國絕屬籍安帝即位復徵為侍中進太僕有方正稱名重朝廷位加特進卒謚義侯

鄧盛

字伯直蒼梧人不知其所以進仕為秭歸令聞母病解印綬決去及歸母果亡居喪盡孝太尉

馬日磾嘉其所履服竟即辟之初入府為主簿尋為太尉掾諸曹掾時彭城相左尚以賊獲罪三

府掾屬拷驗踰年不竟更選盛覆拷盛至獄洗沐尚解械賜席乃謂尚曰君受國重恩而所坐

事理如此今遇君子不可以小人道相待尚感盛至意對曰今使君相待如此尚獨何心不以

死相歸乎即引筆具對時人語曰叔問得竟臯陶鄧盛公卿而下皆禮重之

三鄧芝

字伯苗新野人禹之後仕蜀漢為廣漢太守清嚴有治績入為尚書吳嘗請和及昭烈崩諸葛

亮遣芝報吳芝見孫權說以吳蜀二國宜為唇齒吳遂絕魏與蜀連和芝為大將軍二十餘年

卒之日家無餘財

鄧艾

字士載棘陽人少有大志每見高山大澤輒規度軍營處所仕魏為尚書累遷鎮西將軍都督

隴右諸軍事封鄧侯後以平蜀功拜太尉孫朗為郎中

鄧方

字孔山南郡人以前從事從先主入蜀朱提為屬國都尉因易郡名為朱提太守任遠安將

軍來降都督屬吏稱其文武

晉鄧殷

汝陰太守先是夢行水邊見一女子猛獸隨其後占曰水邊女汝字獸守也當作汝陰守果然

鄧騫

字長真，長沙人。少有志氣，常推誠行。已刺史，譙王承命為主簿，承為魏人所敗，入求騫甚急。鄉

人皆懼騫，笑曰：「彼新得州，欲求賢耳。」乃往詣。又入喜以為別駕。歷武陵，始興太守，遷大司農。子

樂

鄧攸

字伯道，襄陵人。永嘉末，石勒兵起，攸挈家而逃。以其弟早亡，特全其姪，繫其子於樹而去。遂得

流俗名。至江東，元帝以為中庶子，遷吳郡太守。載米之郡，俸祿無所受，唯飲吳水而已。後稱疾去。郡例有送迎，錢數百萬。攸去郡，不受一錢。百姓牽攸船，不得去。少停夜，發吳人歌之曰：「純如打五鼓，雞鳴天欲曙。」鄧侯挽不留，謝令推不去。官至吏部尚書及死，無嗣。時人慕其名，曰「伯道」。無知使鄧伯道無兒。

鄧魯

字約子桂陽人幼與閭有至性父當戍邊呼魯曰阿魯吾今登途矣歸期未可知也魯應聲而

泣拜伏訣別如成人時甫四歲世以孝童稱之後歷司徒

鄧璨

泉陵人少高潔與劉璘之劉尚公友善不應州郡辟會荊州刺史桓冲辟為別駕璨乃應召璘

之謂璨曰卿忽改節吾失所望矣璨笑曰足下可謂有志於隱而未知隱之道夫隱在我而不

在物是以朝市亦可隱璘之無以難之

鄧遐

字應遠勇力絕人氣蓋當世歷數郡太守號為名將襄陽沔水有蛟害人遐入水揮劍截蛟數

段而患息

鄧嶽

字伯山陳郡人始為西陽太守及蘇峻叛溫嶠遣嶽與督護王愷期太守紀睦率兵赴難及討

郭默有功
封宜城伯

南鄧元起字仲居當陽人少有膽幹仕南齊為武寧太
北鄧元起守梁武起兵元起與武帝會中興初為益州

刺史天監初封當陽縣侯
後為右衛將軍卒謚忠侯

鄧琬字元琰南昌人初為南海太守歷丹陽郡丞
大明七年思藩寮舊臣擢為給事黃門侍郎

鄧翼安定人河間相慕容容垂之圖鄴以為冀州刺史
爵真定侯翼拒對曰先君忠於秦室翼豈可先

叛乎忠臣不事二主
未敢聞命竟不就

鄧淵字彥海翼子性貞素言行可復博覽經書長於
易筮魏道武定中原擢為著作郎再遷吏部尚

書郎明制度多識故事與尚書崔宏叅定朝儀
律令音樂及軍國文記詔策多淵所為從征平

陽以功賜
爵下博子

鄧郁

荊州建平人也少而不仕隱居衡山極峻之嶺立小版屋兩間足不下山斷穀三十餘載唯以

澗水服雲母屑日夜誦大洞經武帝敬信殊篤為帝合丹帝不敢服起五嶽樓貯之供養道家吉日躬往禮拜白日神仙魏夫人忽來臨降來雲而至從少媼三十並著絳紫羅繡袿襦年皆可十七八許色豔桃李質勝瓊瑤言語良久謂郁曰君有仙方所以故來尋當相候至天監十四年忽見二青鳥悉如白鶴大鼓翼鳴舞移晷方去謂弟子等曰求之甚勞得之甚逸近青鳥既來會期至矣少日無病而終山內唯聞香氣世未嘗有武帝後令周捨鄧玄傳具序其事

鄧正直

衡陽人以行義聞陳永定初歐陽頡刺衡州禮為上客辟知盧陽縣罷征拜盜修城濬河

興學崇教人多
稱之後因家焉

唐鄧世隆

相州人隋末為王世克兄子書報秦王夸慢
棲白鹿山號隱玄先生貞觀初召授國子主

簿修史學士帝遣房玄齡論曰爾作書
各忠其主耳母有後疑官至衛尉丞

鄧璠

高安人元和中權知袁州興崇學校有古循吏
風詔令再任僖宗時所在兵起吏無能名獨璠

有政
聲焉

鄧處訥

龍潭人從江西閩項防秋安南中和中還道
經潭州黃巢之亂盜殺潭州觀察使李裕城

中無主衆推項留後請諸朝僖宗加項節度使
處訥為邵州刺史會項為周岳所殺處訥率諸
將哭之興兵問罪積八年攻岳斬之累
遭武安軍節度使後為劉建鋒所害

鄧光布

字明遠固始人乾符初為崇安鎮將智畧絕人與攝沙縣令曹朋協謀徙縣治後黃巢破

閩光布率衆禦之悞中流矢而死沙民立祠祀焉

鄧景山

曹州人本以吏進累至監察御史至德初擢拜青齊節度使為政簡肅後以討劉展功拜

尚書左丞

鄧文進

始興人唐初為本州刺史移治水西蕭銑發兵攻樂昌文進堅守累立戰功沒贈鷹揚上

衛將軍廟食樂昌

鄧承勳

南海人積學應薦上京師登乾符進士仕為虔州司馬節度副使柳陞錄其家範以教子

孫累官江州刺史

鄧義祁縣令有異政
邑人刻石紀德

鄧文瑞瑞陽人華林實錄云四世同居五百
餘口衣無常主開元中詔旌表門閭

五代鄧佑科改所居為揚名鄉兩秀里

宋鄧希顏南豐人咸平間舉進士累官大理司直
兼侍御史以危言讜論為真宗所崇信

鄧潤甫字溫伯新城人舉進士真宗時知諫院嘗極
諫中人將兵及禁民耕墾前代陵寢累官端

明殿學士咸有文名哲宗
初進尚書左丞卒諡安惠

鄧戡乳源人博通經學天聖五年進士官至殿中丞
子堂登皇祐初進士孫弼亮登元祐初進士三

世登科有
聲南土

鄧咸

湘陰人天禧間縣未有學咸創義學於縣南置書招師訓族子弟及游學之士馮京鄭獬嘗肄

業焉姪珙為豐城主簿夜聞庫丁聚哭詰之曰失官錢三百貫恐獲罪珙盡以錢代之還官其

人感惠以二女獻之不納時論嘉之

鄧仲和

字祖德長垣人舉三禮景祐慶厯間喪親廬墓終其喪省往來如事生者二十年負土累

墳高三丈

鄧忠臣

湘陰人登熙寧三年第為大理丞以獻詩賦擢正字遷考功郎中覆范宣公謚議會讜論

起以罪入元祐黨籍後贈直秘閣別號玉池先生

鄧咎

字晦之連城人有材武好讀兵書以功擢皇城使性剛嚴遇下有禮與士卒同甘苦故皆樂為

之用後收復熙河遷
都統終武功大夫

鄧聖求

元祐中入翰林東坡云聖求為武昌令時余居黃與武昌相望常往來溪山間後與會宿

玉堂話舊作詩云憶從樊口載春酒步上西山尋野梅西山一上十五里風駕兩腋飛崔嵬

豈知白首同夜直卧看綠燭高花摧
江邊曉夢忽驚斷銅鑲玉鎖鳴春雷

鄧甯

字仲吉沙縣人熙寧六年登第調威武軍僉判高麗貢舟遇風次州境為治舟修具使復尋海

道以進移漳州福州浮屠侵民腴田判歸於民遷提轄江淮荆浙福建茶鹽東南鹽貨歲額寔贖甯為之條畫輸運由是歲增數十萬召對擢河東提舉以微累坐謫起知黃州尋與祠甯博學工詩文有七峰集十卷弟密舉八行子文饒廣東提舉知福州

鄧熹

遂昌人有勇畧善文章宣和中睦賊犯松陽遂昌間熹捐家資集鄉民入邑禦侮與賊戰勝遂

全兩縣郡守黃葆光聞於朝增秩賜金以榮其歸官其一子

鄧淵

湘陰人登崇寧三年第為郎延經畧司機宜入奏邊機徽宗嘉其敏捷除國子丞遷虞部員外

郎大觀初星變求直言淵上封事剴切蔡京惡之左遷監酒終知懷州

鄧肅

字志宏南平人徽宗時在太學作詩言守令搜求擾民被斥欽宗時授鴻臚寺簿諸金營五十

日而還尋擢右正言遇事感激凡抗二十疏言皆切當多見采納

鄧翰

字國驂崇仁人博學為文簡嚴靖康間以布衣言事不合歸隱自號陋室門人私謚曰文定平

生所著文集凡二十卷子虎字文虎為文辨博以氣勝嘗曰吾文祖左氏宗遷史出入百家馳

騁韓柳以餘勇賈之何有乎舉進士後有名紹如犀如者亦以文稱

鄧春

卿字榮伯長汀人甘貧樂道崇寧間詔舉隱逸郡守陳粹以春卿應詔後舉八行郡守章清

又以名聞俱辭不就卜築南山之阿而老焉二公累造其室一日章訪之春卿謝不能肅詩云在陋愧無顏子志過廬難稱魏公心望塵不敢希潘岳雲滿山頭雪滿簪章次韻屬和者數十章自是高卧年九十六卒有詩文三卷

鄧孝廉

字清臣曲江人讀書自得尤深於春秋建炎中進士為韶州教授通判邕州攝州事適歲

饑發廩賑之不足繼以俸金全活甚衆遷知德慶府

鄧富

字彥積大庾人有智勇能除寇賊紹興間為諸塞長賊畏之呼曰鄧江南以功累遷八州巡檢

知昌化軍其族邦
直官至武翼大夫

鄧深

湘陰人紹興中進士為太府丞出提舉廣東市舶汪澈薦其才擢潼川路轉運使鹽酒虛額久

為民害深請蠲除之守令貪污即劾奏虞允文
貽書云不畏強禦思濟斯民挺然之操未見近
比後以朝散
大夫終於家

鄧至

雙流人通六經學者從之甚衆每出入市邑人
皆拱立著往事龜鑑五十卷通書十卷二江集
三卷子綰官至翰林學士孫洵仁
官至尚書左丞洵武知樞密院事

鄧伯元

吳郡人與王玄甫同學道於福州鶴
林山授餐專精飯白霞丹景之法

鄧旦

字日升連城人嘗之後也少穎悟博極羣書為
文典雅四舉於禮部年甫強即無復仕進意日

以詩酒自娛士夫競館致之尋亦棄去作歸田
記卜築縣東十里石巖門之側榜小齋曰尚友
自為記客至則高談痛飲概免俗刺同儕移書
趣行答曰勿復敗吾佳思隱居凡四十三年以
終壽

鄧祚

字成材沙縣人建炎二年第進士授建昌軍僉
判金人南侵破洪州傳檄至建昌守率屬納帛

擬以城降祚毅然斥之曰敵使至當殺之而焚
其書寧死不降守欲執以畀敵祚不為屈遂棄
官歸以陳康伯薦召對推廣西轉運判官遷知
泉州除直祕閣廣東經畧復起知隆興府江西
安撫盜賊盈區祚隨宜勦蕩一道
以寧尋以疾請祠所著有焦桐集

鄧根

字深伯昭武人登進士第建炎初令崇德治劇
有風力倜儻饒氣樂日與豪右保護鄉井園丁

欽定四庫全書

藝文類聚
卷一百九

壯習武藝是秋陳通叛於杭根部鎗仗手佐鮑
貽遜逼城與戰辛道宗軍潰賊勢益張畧地獨
不入境潰卒帖首經由不擾秀卒徐明叛囚守
趙叔近根領兵至城下明擁妓飲西樓根募射
生手以弩射矢著明牀與妓俱仆守城者散去
遂誅明以功改秩二郡四年代程俱為守兵燼
後經理有方
秀民賴之

鄧三鳳

字鳴陽東安人博學以詞賦名舉賢良方正
紹興壬戌進士判福州以薦躬閱御書叅訂

儀禮復上書追論王安石父子進禮部尚書與
梁克家不合乞歸道卒所修宋儀禮制論議方
正有古
史風

鄧考甫

字成之臨川人第進士至奉議郎提點開封
府界河渠坐事去官遂閉戶著書不復言仕

元符求直言孝甫年八十一上書論熙寧而下
權臣迭起敗世誤人蔡京嫉之削籍羈筠州崇
寧去黨碑釋逐臣同類者五十三人惟孝甫與
范柔中封覺民獨居遂卒於筠且死命幼孫名
世執筆口占百餘言其略曰予自謂山中宰相
虛有其才也自謂文昌先生虛有其詞也不得
大用於盛世亦無憾焉蓋有天命耳所論述有
卜世大寶龜伊周素蘊義命雜著太平策要等
凡二百五十餘篇

鄧名世

字元亞臨川人天資篤厚為文長於敘事先
是議臣禁學春秋及諸史者名世獨酷嗜之

試有司屢以援春秋見黜同舍人告其藏元祐
黨人文集笑曰是足以廢吾身乎乃杜門却掃
益研究經史考三傳同異往往發諸儒所未到
御史劉大中宣諭江南得所著春秋四譜等書

薦之命錄其書以進遂以布衣上殿進治人務實等說上嘉納尋賜出身除敕令所刪修官兼史館校勘時紹興四年也所著書又有春秋論說春秋類史春秋公子譜列國諸臣圖左氏韻語國朝宰相年表古今姓氏辨證皇極大衍數大樂書文集等合三百餘卷

鄧驛

字千里沙縣人淳熙二年登第歷秘書省正字遷校書郎充嘉王直講遂為左司諫亮直敢言

不避權倖慶元初召為起居舍人拜中書舍人朱熹以忤韓侂胄罷講筵驛面奏乞留不許呂祖儉上疏留趙汝愚并論朱熹等不當逐語侵侂胄安置韶州太學生楊宏中等以救汝愚坐編管皆封錄還黃不草制未幾以集英殿修撰知泉州進文華閣待制奉祠

鄧約禮

字文範家臨川從象山學登淳熙五年第當為江州德化丞兩攝邑葺理凋弊得民心為

溫州教授與葉水心定交平生學問根本於家庭孝弟慈愛之風達於鄉黨嘗語人曰某得一官但能少濟諸貧困兄弟耳

鄧啓

字元迪崇仁人爲人有氣節早名能詩涂守約序其集曰人知先生之詩工力絕倫而不知先生之道之死不屈先生以是爲詩故不追少陵不止

鄧林

字楚材福清人年十五以詩義魁鄉校十六遊江湖與辛棄疾善又爲周必大之客淳熙中登第調泰和簿一時名公如陳傅良戴溪朱熹呂祖謙皆嘗與之交遊凡三上書於朝大意指譏切朝政時朝議欲授以中都幹官或曰鄧林若在中都此謗議之府也遂授石城縣丞有虛齋文集行於世

鄧泳

字德載約禮子嘉定十三年進士授分寧簿居荆湖制司幕下再調江陵錄參有禦寇功累官

至右文殿修撰遷刑部侍郎會天變求言泳奏愛惜根本愛惜人才愛惜日力泳居官所至以

廉見稱晚歲

坐累遷謫卒

鄧均

一名垌建昌人嘉定中進士官至吏部侍郎踐履純粹政事寬平所至以鄧佛稱之卒諡清惠

鄧若水

字平仲井研人博通經史嘉定中進士時史彌遠柄國若水對策極論其奸嘉禧間為太

學博士當對草奏數千言丞相喬行簡聞之即奏若水通判寧國府到官數月以言罷遂不仕

若水學務躬行嘗削木為主大書曰自古以來忠臣孝子義夫節婦之位歲時祀之

鄧宗古

簡州人父死自培土為墳廬其側晨夕號慟甘露降墓木里中號為鄧孝子

鄧得遇

邛州人淳祐進士累官知昭州遷廣西提點刑獄兼知靜江府時兵起長沙破靜江得遇

幅紙書云宋室忠臣鄧氏孝子不忍偷生寧甘溺死彭咸故居乃吾潭府屈公子平乃吾伴侶

優哉游哉吾得其所
遂投南流江而死

鄧戒

始興人與弟闢以家學相勗嘉定中聯名登第故當時作詩者有尤喜聯名喚兄弟之句

鄧洵美

邛州人乾祐中與李昉同年及第後相遇贈詩憶昔詞場共著鞭當年鶯谷喜同遷關河

契闊三千里音
信稀疏二十年

鄧光薦

字中南廬陵人舉進士少負奇氣與文天祥同勤王贊畫居多挈家入廣東遇土賊妻子

皆焚死累官禮部侍郎權直學士國亡投海者再不得死元將張弘範禮致舟中至建康得歸故

山以

元 鄧文原

綿州人博學善書初為杭州學正累官翰林待制出僉事西廉訪司事時吳興民有愬弟

夜為長身者刺其右脅而死有司執直初更者使服文原鞠之得真殺人者人以為神後遷集

賢直學士兼國子祭酒卒謚文肅有文集行世

鄧牧

錢塘人能通莊列諸書下筆追古作者嘗居餘抗洞霄宮之超然館經月不出四方名勝以文

字請者交至非其人雖請之弗與大德中無疾而逝所著有洞霄志文稿

明 鄧愈

虹縣人器量宏偉沉毅簡重元季兵起來歸從定金陵有功累官至御史大夫封衛國公愈臨

大敵而不懼有大功而不矜好賢下士寬惠愛人嘗歷鎮廣德宣徽嚴饒撫南昌襄陽所至明

立賞罰撫以恩信八州之人至今德之追封寧河王諡武順

鄧剛

國初以戰功授揚州衛鎮撫沈鷺善謀書有膽氣遇事風生草除年文廟大兵至揚州巡按

御史王彬駐城內銳意禦守乃命剛贊畫戎務剛因勸彬必先躬艱危示忠憤以激人心由是薦其可將正卒備城守某可率奇兵伺隙出戰某處村料可具器械義民某某可辦餉饋井井如也彬用其籌策日夜躬巡城督衆剛亦時衛左右匡襄益力已而召剛絰城下議息戰剛至而不屈而死

鄧文鏗

字德聲永安人洪武十八年進士任高州府茂名縣知縣以治最召入為刑部主事累陞

至僉都御史不畏強禦風裁有聲時貴戚有冒禁鬻私茶者蓋闕邊計也衆莫敢言文鏗獨劾

之其人卒寘於法文鏗亦坐是出知武昌府

鄧謙

資縣人洪武末鄉試舉人才識過人歷任勤能累官浙江左布政使

鄧林

字士齊新會人名觀善洪武丙子領鄉薦為廣西貴縣教諭林素嗜學能為古文章復長於詩

歌自謂學詩於陶常李杜學文於史漢韓柳學書於晉唐諸名家考滿京師時大學士楊士奇祭酒李時勉閱其詩文相謂曰嶺南一代文人也暫留史館修書尋出教南昌多有薦其學行者乃遷吏部驗封稽勲二司主事宣德四年三月以事忤旨謫居杭州林博記多才器識洪邁會論侃侃抗士夫多從之為湖山遊與布政使姚肇隱士夏誠諸人讌遊倡和仁和士人張震編集刊行曰湖山遊詠錄其為人所重如此

鄧偉奇

字子才安仁人登洪武乙丑會試第一高祖皇帝親製策試時預試者四百七十二人擢

丁顯為第一偉奇次之俱授翰林修撰先是辛亥開科以吳伯宗為首至是始復臨軒之制偉奇天資秀異博洽頡敏善屬文尤長於詩是科最為得人

鄧瑜

洪武間為濟南衛指揮同知將從征屬其妻胡氏曰我為人臣當盡死節汝為人妻能盡貞節

乎胡氏許諾瑜果歿於陣胡氏守節不渝詔旌其門

鄧崙

字惟玉武陵人永樂甲辰進士授兵科給事中數上章疏遇事風生嘗條軍務曰選將領練兵

卒汰冗官犒邊軍禁邊契止侵漁謹失機嚴紀律貸貧匠徙達官凡十事士論韙之陞河間長蘆鹽運使建議鹽課利害切時病者十餘事民商便之陟兵部侍郎尋卒

鄧真

江夏人幼穎異好學永樂九年進士擢監察御史政事通敏獻獄詳明尋陞山東按察使轉布

政使處事公平愛民如子後卒於官吏民或見其行止如生咸以為神繪像祀之

鄧榮

南城人永樂間進士擢監察御史舉清軍伍有能聲特遷陝西按察使清譽益彰進陞右副都

御史扈從北征卒於師詔贈右都御史官其一子

鄧珍

吉水人永樂進士第三

鄧恂

字性善宿松人宣德初由舉人知內鄉敦本抑末前政積弊逋負殊甚恂為設策償結民不擾

而事集時尚書許廓巡撫河南表其政績未及擢用而卒

鄧安

定遠人福建都指揮僉事多智計有威望正統己巳沙尤寇鄧茂七攻劫城邑諸邑民多避地

入城城中羣不逞將乘機為奸利安捕殺其首
數人而復精選士將勤訓練嚴譏察以警備之

一城生聚
咸倚賴焉

鄧顥

字伯昂樂昌人正統壬戌進士知永豐縣鄧茂
七反顥率十人與戰生擒賊將二人遇伏為其
所執罵賊而死事聞贈光祿
少卿諡忠毅子瑗球俱進士

鄧廷瓚

字宗器巴陵人景泰進士授淳安知縣九載
陞梧州知府復補闕府歷官總制兩廣右

副都御史掌院事復出鎮梧州卒贈太子少保
諡襄毅瓚處事求濟待人不疑度量廓如莫窺
其際至所設施動中機宜
其中明炳人亦莫能及也

鄧珪

夢溪人為縣刑曹錄景泰元年草寇復發攻掠
鄉村民駭竄至揚梅迺路狹人莫能進賊數百

迥及珪揮戈挺身與之戰自午至申賊亂鎗傷其胷珪悍然不顧賊畏其勇而退珪亦力疲倚巖石僵立而死境中之民悉賴保全

鄧貴

字安遠吉水人正統壬戌進士歷參政

鄧庠

宜章人成化進士南京戶部尚書

鄧璋

字禮方涿州人成化丁未進士正德初以都御史巡撫河南益政嚴明豪猾屏跡歷南京戶部

尚書

鄧存德

新鄭人成化進士任刑部主事有右善世道堅盜賣度牒存德鞠實治罪尚書董方范之

欲緩其事存德奏聞方上言存德率意妄為詔存德道堅俱下獄存德降調道堅釋放給事中

雷澤等上言當宥存德而罪道堅不報

鄧鎮

永州人通六籍諸史善屬文性剛鯁議論持正成化中走京師言大計忤權貴下錦衣獄拷掠

折去一足經赦回教授終其身

鄧璩

宣化人弘治間知雷州廉介剛方不避權貴接珠池內侍持正不屈興學崇教有循良稱

鄧萬斛

富順人由進士弘治十一年任諸城知縣性明敏發奸摘伏如神然心存愛物凡所推行

悉求裕民之道是邑田地圯於河塌於沙多不可耕民苦於賠糧萬斛即條疏奏乞免租百姓

至今思之

鄧應仁

字子榮南海人由進士弘治末自戶部郎中來守太平廉靜寡慾政尚平恕在任數年惟

携一家僮自隨燕處陶然門無私謁惟務德化不事鞭扑既去民思慕之有繪像祀於家者

鄧顯芳

辰州人補邑庠弟子員正德七年鎮筸苗叛

去人怵以賊患芳曰棄母而逃心實不忍況平生讀書所學何事苗至使芳為鄉導芳不從遂遇害交解於母柩之前聞者憐之

鄧尚義

字以正永興人正德甲戌進士歷太僕寺少卿

審

齊郡徵音衛康叔之後至成公生季疊食采於審以邑為氏

周審越

中牟人苦耕之勞問其友曰如何可以免此苦也友曰其學乎勤三十年可免越曰然人將休

吾不敢休人將臥吾不敢臥如是十五年亦足矣乃發憤學十三年而齊威公師之

甯戚

衛人家貧無資為人挽車至齊國於車下飯牛扣牛角而歌曰南山矸白石爛中有鯉魚長尺

半生不逢堯與舜禪短布單衣纔至晉從昏飯牛至夜半長夜漫漫何時旦桓公聞而異之命

管仲迎之拜為上卿後遷國相

甯俞

衛人即武子仕衛武子文公有道之時無事可見成公無道至於失國乃能周旋其間不避艱

險卒保其身以濟其君孔子稱之曰邦有道則智邦無道則愚其智可及也其愚不可及也

甯喜

瑒公使甯喜攻孫林父林父奔晉

甯速

莊子衛大夫

甯殖

惠子武子之子

漢甯成

酷吏也武帝拜為都尉人曰甯見乳虎勿見甯成怒

甯乘

東海都尉

唐甯廣

鄱陽人廣明中黃巢為亂廣與弟究統義兵以拒之保饒歙二州積戰功官至御史大夫與金

日安至今皆廟食

甯原悌

欽江人少好學永昌中進士累官至諫議大夫兼修國史一日玄宗取所修史閱之見直

書隱巢事諭曰白馬求卿黃金贖罪卿以為如何原悌叩首曰周公誅管蔡季友鳩叔牙雖大

宗不得已之誅亦隱巢有以自取爾由是忤旨去官而卒葬於大墓山詔發嶺南五府兵以給

葬事立祠於土蒙村

寧嘉勗

太子重俊起兵誅武三思兵潰被殺嘉勗號哭解衣裹之坐殿

宋

寧秀

其先河間人授昭列大夫同知般陽路總管府事致仕因居焉

寧宗春

歙州人紹興進士參軍

寧從龍

幼有至性事親以色養疾嘗割股事聞授徵仕郎

寧智先

舉元祐中上問王巖叟從誰學對曰從河東寧智先

寧時鳳

字祥夫浮梁人登第官蘄水辛巳金兵圍蘄州守曰誰能共守諸寮佐不應獨時鳳曰見

危授命臣子大節臨難苟免吾不忍為卒死之

寧麟

慶厯間知新昌愛民禮士首建學宮既歿民立祠祀之今附像文昌祠

元寧王

至元中以萬戶鎮慶元智勇沉雄紀律嚴明以戡定綏靜為務民皆安堵海內晏然

寧從周

字子文階州人歷仕翰林國史院至順元年任監寧晉縣兼本縣諸軍勸農事有惠政見

德政

碑

明寧正

壽春人國初積功至右軍左都督平寇將軍

寧安慶

初仕元為樞密僉使守婺州我太祖親征婺攻城未克安慶與守將關且知天命有在

夜開門納兵遂取婺州人民大悅

寧仲英

合肥人累以軍功陞前軍都督僉事卒子福嗣以功封建平侯

寧瑛

字廷玉稷山人正統壬辰進士歷叅政

甯堅

字永真邵武人弱冠遊吳康齋之門領鄉薦授鳳陽府同知未及期卒事母至孝家居教授善

開發人志意所得修脯之資與弟共之一毫不以自私尤致意於冠婚喪祭諸禮一時風俗丕變其莅官寬而不縱正而不激典修河區畫有方功成而民不擾至今民思之

甯祥

章丘人景泰中同知府事清謹愛民嘗董竣蒲匯塘建盤龍塘諸橋歲旱奏免兩邑稅糧十九

萬民深德之

甯欽

字宗堯中鄉舉初任諸暨教諭陞御史巡廬鳳一道所至務欲除草奸弊相知規之食減事煩

寧自愛不聽竟卒於巡所

甯良

祁陽人正統乙丑進士天順間任行人上平蠻策擢刑部員外郎轉浙江叅政處州賊平奏免

運舟價數萬緡進
浙江左布政使

甯夢龍

字兆祥邵陽人以歲薦任饒州府推官致政家居值妖賊李承賢之變豫發其奸賊乃謀

阻尋就誅戮事聞
朝廷優詔褒獎

甯賢

淮安人成
化進士

甯珍

字伯珍丹徒人成化
甲戌進士歷叅政

甯源

山陽人弘
治進士

甯舉

字惟臣新城人弘治
庚戌進士歷都御史

甯閱

正德間知德安府廉慎剛果文武兼資時蜀賊
方四大聚入寇民皆携負逃避公廉知之慨然

以死守自任且率民兵親御弓馬深溝高壘盡力防禦賊竟不得入後因鎮草苗夷經過劫掠聞主議勦撲之地方賴以保全陞任之日士民攀留涕泣不忍舍去

嘉靖乙丑進士竄珂字大受廣德人歷戶部郎中

勝見姓苑

漢勝勲武安人

宋勝珂咸淳中任華亭縣尹

明勝通洪武中興化衛指揮

勝成興業人永樂舉人

欽定四庫全書

萬姓統譜

五

定見姓苑

漢定武

定廣

定林

見印

明

定定


字伯安高昌人洪武間知泰寧縣尚行實敦風
化作士氣凡公署學舍多所修建陞廣德州同
仕知致

孕

宋

孕澍

瑞州路
推官



萬姓統譜卷一百九

欽定四庫全書

子部

萬姓統譜卷一百十二

詳校官中書

臣徐志晉

主事

臣

祁韻士覆勘

總校官知縣

臣

楊懋珩

校對官中書

臣

高中

謄錄監生

臣

王宮

欽定四庫全書

萬姓統譜卷一百十

明 凌迪知 撰

去聲

二十六宥

竇如姓扶風人望出河西徵音夏王相遭有窮之難后
方娠出自竇後生少康支孫以竇為氏

周 竇 雙晉大夫

竇 鳴 犢晉大夫

漢 竇 嬰字王孫觀津人景帝朝為詹事竇太后愛帝弟
梁王王朝因燕帝顧曰千秋萬歲後傳王嬰進

曰天下者高祖之天下父子相傳漢之約也安得傳梁王時太后好黃老而嬰重儒術以是不合遂免去

竇廣國

字少君文皇后之弟少貧賤后新立與兄長君至長安自陳帝選有德行者與居由此為退讓君子不敢以富貴驕人廣國賢有行帝欲相之曰恐天下以吾私廣國久念不可封安豐侯

竇融

字周公平陵人廣國七世孫更始拜鉅鹿太守融以東方尚擾求為張掖屬國都尉撫輯雄傑遂據河西光武即位決策歸漢授京州牧後從征隗囂以功封安豐侯及入朝拜大司空從子固亦好覽書傳喜兵法襲父友爵封顯親侯

竇憲

字伯度融曾孫建元初以后兄稍遷侍中後因殺都鄉侯暢懼誅請擊匈奴贖罪拜車騎將軍

出塞大破匈奴勒功燕然山而還封冠軍侯族子章好學有文章為東觀校書郎

竇武

字時平平陵人少以經行著稱延嘉中以掖庭親拜侍中遷越騎校尉封槐里侯靈帝立拜大

將軍謀誅中常侍曹節等不克遇害

竇章

字伯向安帝朝學者以東觀為道家蓬萊山太僕鄧康乃薦章入東觀為校書郎

竇子明

陵陽令無欲而民自化

竇誼

居蜀之峨眉放浪不羈月夜子規啼夜竹誼曰竹裂吾可歸峨峯是夕竹裂黎明遁於峨峯武

帝三徵不起

晉竇允

字雅臨水令克已厲俗改修政事士庶悅服咸歌詠之

竇瑾

字道瑜頓丘人少以文學知名自中書博士加寧遠將軍叅軍國事屢有軍功遷秘書監進爵

衛國侯

竇遵

瑾子善楷篆官至尚書郎濮陽太守後以善書拜庫部令

南
北竇瑗

字世珍為中山守聲望甚美大為吏人欽服神武頒其政績為郡縣之規範云

竇熾

西魏廢帝元年除原州刺史抑挫豪右申理幽滯在州十載甚有政績州城北有泉水熾屢經

游踐嘗與僚吏宴於泉側因酌水自飲曰吾在此州唯當飲水而已及去職後人吏感其遺惠至此泉者莫不懷之

竇毅

字大武茂陵人在周為上柱國有女方數歲讀列女傳一過不忘聞隋祖受周禪自投牀下曰

恨我非男子不能救舅家難毅掩口曰毋妄言赤吾族毅嘗謂夫人曰此女有奇相不可妄與人畫二孔雀於屏間謂婚者射二矢陰約中目李淵最後射各中一目遂以歸之後淵為唐高祖竇氏為后

隋
竇建德

隋末據夏為王救亂臣王世充唐秦王弒而獻俘太廟

竇士榮

開皇初上徵山東文學之士馬光張仲遜孔龍張買奴竇士榮劉祖仁並授太學博士號

六儒

竇榮定

平陵人深沉有器局文帝初拜右武侯大將軍卒贈陳國公

唐竇威

字文蔚岐州人父熾在周為上柱國入隋為太傅威沉邃有器局貫覽羣言諸兄詆為書癡高

祖入關召補丞相府司錄叅軍武德初授內史令每論政事得失必陳古為諭

竇軌

字上則威兄子從太宗討平王世克又平蜀盜有大功貞觀初為洛州都督威信大行

竇易直

始平人擢明經補校書郎歷藍田尉累遷浙西觀察使入為戶部侍郎文宗立為左僕射

以公潔自喜未嘗引用親黨

竇靜

字元休高祖入京師擢并州大總管府長史表請屯田太原以省餽運帝從之歲收粟十萬斛

靜上書制突厥詔答曰北方之務悉以相委以卿為寧朔大使朕無北顧憂矣

竇瑱

長安中北海令甚有治聲穿渠引水曲折三十里以溉田時號竇公渠

竇存亮

長安人為秀才時聞昌黎韓愈名心切慕之貞元十九年愈以言事黜為陽山令存亮裹

糧數千里往從之遊事愈甚謹

竇叔向

溧水令為政有聲

竇琮

軌弟有武幹大業末依高祖秦王收之與出入臥內引為統軍後平劉黑闥說王世充以功封

燕國公

竇懷貞

中宗朝為御史大夫歲除日帝宴羣臣謂懷貞曰卿喪妻欲繼室乎俄而竇扇擁衛一翟

衣者出乃衛后乳媪莒國夫人也

竇常

字中行金城人叔向長子大厯間登進士第居廣陵之白沙結廬種樹不求苟進以講學著書

為事凡二十年不出貞元中鎮州節度使王武俊聞其賢遣人致聘辟為掌書記不就杜佑鎮淮南奏授校書郎署節度叅謀元和六年自湖南判官入為侍御史轉水部員外郎歷夔江撫四州刺史國子祭酒致仕卒年七十贈越州都督子弘餘會昌中為黃州刺史常兄弟五人俱以詩名時號五實所著有聯輝南薰等集

竇牟

字貽周貞元二年登進士第試秘書省校書郎東都留守巡官歷河陽昭義從事檢校水部郎中賜緋再為留守判官入為都官郎中出為澤州刺史入為國子祭酒長慶二年卒時年七十四子周餘大中年秘書監

竇羣

字丹列德宗以處士徵為右拾遺二兄常牟二弟庠羣擢進士第為郎俱工詞章為聯珠集行

於時義取
若五星然

竇庠

字胄卿釋褐國子主簿吏部侍郎韓臯出鎮武昌辟為推官臯移鎮浙西秦庠為節度副使殿

中侍御史遷澤州刺史又為宣歙副使除奉天令登州刺史東都留守判官厯信安二州刺史

卒年六十
三子錄載

竇鞏

字友封元和二年登進士第袁滋鎮滑州辟為從事滋改荆襄二鎮皆從之掌管記之任平盧

薛平又辟為副使入朝拜侍御史厯司勳員外刑部郎中元稹觀察浙東奏為副使檢校秘書少監兼御史中丞賜金紫稹移鎮武昌鞏能五言詩昆仲之間與牟詩俱為時所賞重性溫雅多不能持論士友言議之際吻動而不發白居易等目為聶嘯翁終於郢渚時年六十子六人

景餘師俗
最知名

竇漢

扶風人為亳令有能聲召為殿中丞中宗欲立安樂公主為皇太女漢執奏曰陰富陽大不祥

帝惡其倖直
徙忠州刺史

竇抗

字道生抗在隋以帝甥甚見崇寵累轉梁州刺史抗與高祖少相親狎大業末抗於靈武聞高

祖定京城抗對衆而忤曰竊遠有大度真撥亂之主矣因歸長安高祖見之大悅拜將作大匠武德元年以本官兼納言高祖聽朝或升御坐退朝之後延入卧内命之捨敬縱酒談讌敦平生之款常侍宴移時或留宿禁内高祖每呼為兄而不名也從太宗平薛舉勲諡曰密

竇璡

字之推抗季弟也大業末為扶風太守高祖定京師以郡歸國歷禮部民部二尚書從太宗平

薛仁果尋鎮益州時蜀中尚多寇賊璉屢討平之璉頗曉音律武德中與太常少卿祖孝孫受詔定正聲雅樂璉討論故實撰正聲調一卷行於代

竇衍抗子嗣官至左武衛將軍時抗羣從內三品七人四品五品十餘人尚主三人妃數人冠冕之盛當朝無比

竇誕抗第三子從太宗征薛舉為元帥府司馬遷刑部尚書轉太常卿高祖諸少子荆王元景等未出宮者十餘王所有國司家產之事皆令誕主之出為梁州都督貞觀初召拜右領軍大將軍轉大理卿

莘國公

竇德明

太穆順聖皇后兄之孫也祖照尚後魏文帝女義陽公主封鉅鹿公父彥襲父封仕隋為

西平郡守德明師事陳留王孝逸頗涉文史會漢王諒作亂遣其將暴良攻黎州德明時年十八募得五千人倍道而進號令嚴整一戰破之以功累拜齊王府屬武德初拜考功郎中從太宗擊王世充頻有戰功封顯武男貞觀初歷常愛二州刺史

竇參

字時中刑部尚書誕四世孫學律令為人矜嚴悻直果於斷以蔭累為萬年尉同舍當夕直者聞親疾遽還參為代之會失囚京兆按直簿劾其人參曰彼以不及謁親而往參當坐乃貶江夏尉人皆義之遷監察御史累御史中丞舉劾無所避宦官嬖之竟謫死邕州

竇滴

池州守黃巢虐池之二年滴到郡乃檢訪鄉藉完聚瘡痍三四月間流亡歸復明年大熟

五代 **竇禹鈞**

漁陽人祖遜王田令父思恭虢州司馬禹鈞仕周累官諫議大夫嘗建書院延名儒以教

遠近士及在官四方賢士賴以舉者甚衆由其門登貴仕者接踵五子儀儼侃偁僖相繼登科

時謂燕山
竇氏五龍

竇貞固

字體仁白水人後唐同光中舉進士為河東節度推官晉初應詔上封事累官翰林學士

工禮刑三部尚書後仕
漢為司徒封沂國公

南
北竇滔

妻織廻
文錦

宋
竇儀

字可象禹鈞子學問優博風度峻整累官禮部尚書太祖欲相之趙普忌其剛直沮之及卒太

祖憫然曰天何奪我竇儀之速耶弟儼侃偁僖
與儀皆登第侃官至起居郎偁參知政事僖左
補闕子諲錫誥俱登第諲
都官員外郎錫秘書丞

竇儼

字望之儀弟幼能屬文性夷曠好賢樂善累官禮部侍郎當時祠祀樂章宗廟諡號多所撰定

初以主客員外郎知制誥適儀自閣下入翰林兄弟同日拜命分居兩制時人榮之

竇偁

字日彰儀弟周廣順初登進士第其後同與賈琰在開封府晉王席下一日晉王燕時偁琰同

預而琰贊美稱過偁叱之曰賈氏子導諛豈不自媿坐客失色太平興國七年叅知政事

竇從周

丹陽人志尚冲雅不伍流俗年五十偁弟澄往建陽從學朱文公得操心之要及歸築室

講道專以為己為學者倡士友慕之造門無虛日一夕盜入其室知為從周所即轉而之他文公聞而嘆曰忠信可行於蠻貊於此可見

竇卞

字彥法宛朐人第進士通判汝州適後兵叛卞招諭撫定之歷知深州河決擅發常平粟賑流

民吏恐獲罪卞曰吾寧以一身活數萬人累官天章閣待制判昭文館

竇舜卿

字希元安陽人以蔭累官邕州觀察使歷邠寧環慶副都管數立戰功熙寧中上章求

退且丐易文階改刑部侍郎提舉嵩山崇福宮卒諡康敏

竇沔

蕭縣人喜儒學有遠識能招賢以教子姪四方賢士日遊其門仕為光澤簿蕭縣學在舊城西

北無人之境衆不樂居沔白邑宰出已財市邑東南明爽之地遷之晁端中為記

竇默

字子聲肥鄉人初避地大名與姚樞許衡講明道學尋還鄉世祖在潛邸聞其賢召至首以三

綱五常誠意正心為言及世祖即位召問欲求如唐魏徵者乃薦許衡史天澤時平章王文統用事默力詆其學術不正後果敗由是國有大政輒以訪之默為人樂易至論國家大計面折

欽定四庫全書

萬姓統譜
卷一百十

八

廷諍不少撓累官昭文館大學士卒諡文正子履集賢大學士

明

竇承芳

永樂間由太學生授監察御史直言觸忌下錦衣衛獄赦出復以言事謫龍江左衛吏即

日就吏列尋復其官屢挫益奮後謫工部役滿赦還職陞浙江僉事年七十致仕歸囊蕭然一

僕負之而已

竇祥

河南人成化進士

竇明

字惟遠武鄉人正德辛巳進士任給事中嘗疏時政四事及京營軍弊晉地荒糧諸疏盡見嘉

納後出知裕州擢鳳翔府累陞陝西右布政使所至俱有政聲

竇信

山西振武人正德進士

竇一桂

字元芳武鄉人嘉靖丙戌進士歷官光祿卿

竇桂

全州人世業農能節儉事親以孝聞父賢母黃氏一時染疾桂發誓齋戒朝暮焚香告天願以

身代病勢轉危乃痛泣籲天遂以左臂膊剗肉密為羹以進父母父母食之甘病果俱愈後母復病不起桂擇地窆畢仍結廬守墓三年乃歸州覈實聞於監司提學僉事黃佐名見桂撲野一無所言第頓首而已乃用鼓樂迎至州學明倫堂禮而遣之

竇潤

字子雨潯州人嘉靖乙未進士歷郎中

寇

上谷人官音蘇愈生為周司寇以官為氏又云衛康叔為周司寇支孫以官為氏又望出馮翊

周寇先

宋人以釣魚為業居睢水傍百餘年得魚或放或鬻或自食之冠帶不去體好詩荔枝日取葩

實食焉宋景公召見之問其道不言殺之後數十年踞於宋城門鼓琴十餘日而去

漢寇恂

字子翼昌平人光武時偏將軍及定河南以恂有牧民禦衆之才拜河內太守行將軍事復為

潁川太守後潁川盜起恂從帝出征賊平百姓遮道曰願復借寇君一年乃留鎮撫封雍奴侯

卒國畫

雲臺

寇張

恂姓偏將軍

南寇讚

字奉國上谷人仕魏為河南太守未幾拜南雍州刺史流民襁負自遠而至進爵河南公加安

南將軍雖位高爵重接待不倦

寇雋

字祖雋讚之孫幼有識量好學強記性又廉恕仕魏累官司馬出為梁州刺史立庠序勸耕桑

敦禮讓風俗頓革後為東魏洛州刺史卒年八十二

寇洛

上谷昌平人累世為將吏洛性明辨不拘小節賀拔岳西征洛與岳鄉里乃募從入關力戰有

功封安鄉縣子

寇謙之

昌平人遇仙人成功興與之遊嵩華食仙藥遂隱嵩陽元魏始光中召至闕謙之一日謂

弟子曰昨夢功興召我於中藏仙宮遂羽化有青氣如烟從口中出天半乃消其體漸縮識者謂尸解後東郡沈猷見謙之在嵩山身作銀色光明如日始知其為仙矣

寇臻

字仙勝年二十遭父憂居喪以孝稱輕財好士獻文末為中山太守

寇祖禮

臻子與兄祖訓並孝友敦睦白首同居父母亡雖久猶於平生所處堂宇備設幃帳几杖

以時節開堂列拜垂涕陳薦若宗廟焉吉山之
事必先啓告遠出行反亦如之祖禮宣武末為

河州
刺史

唐寇泚

開元中為宋州刺史玄宗至
州宴從臣於樓上泚與焉

五代寇彥卿

字俊臣開封人仕梁拜感化軍節度使善
騎射太祖賜所乘馬一丈烏曰真神將也

宋

寇準

字平仲下邳人年十九舉進士真宗時知同州
又判永興軍盡心民事每曰有一時之閒則有

一時之滯後拜相決策成澶淵之功出鎮大名
貶雷州準外奢內儉寢處一青幃二十年仁宗

朝贈中書
令封萊公

寇瑊

字公次汝州人舉進士授遂州推官徙永州討
平溪蠻為梓州運使又討平瀘蠻累遷給事中

仁宗時河決徙知滑州
河平擢樞密直學士

寇仲溫

諸暨令興學校廢淫祠民皆稱之

寇國寶

徐州人舉進士任吳縣主簿按百川學海中石林詩話云余居吳下一日出閭門至小寺

中壁間有題詩一絕云黃葉西陂水漫流蘧蔭風急滯扁舟夕陽暝色來千里人語雞聲共一丘意極喜不書名氏問寺僧云寇主簿所作令官滿去矣歸而問之吳下士大夫始知其名蓋與予同年然亦未嘗往來亦漫不省其為人已而數為好事者舉此詩始有言國寶徐州人久從陳無已學乃知文字淵源有所自來亦不難辨恨不得多見之矣

寇平

熙寧中知施州事以招納蠻酋田現有功與熊本等同被賞格

元寇靖

自乾州倖為鄆縣尹勤於撫字去任民懷其德立去思碑

明寇遵道

中部人洪武中任四川僉事

寇義

字宗彝平山人萊公之後永樂中知新野縣有能聲宣德中知鄆州正直嚴明聽訟即知誠偽

吏民不敢欺宿弊盡革賦役均平凡百廢墜一
一修舉暇則詣學課勵生徒城中掘地得一石
云若要鄆州治還須寇公
至其政績果能繼萊公云

寇厚

臨汾人永樂進士

寇源

唐縣人宣德中舉人任知州

寇深

字文淵唐縣人監生正統間僉都御史鎮守松茂瞻視有威將士事之如神番人欵服犒賞加

等不服者隨便掩殺號令嚴明諸寨畏悚邊方寧謐乃完城堡修道路屏去左右自挾馬不時進督役夫怠事者或捶至死墩堡堅踰鐵鑿巖補闕梯棧勾連平坦如砥疊溪無井濬暗竇數里引水入城中又添永鎮等堡蜀之門戶始固矣景泰間召還累遷左都御史死於曹欽之難諡莊肅

寇天叙

字子惇掄次人正德進士授大理評事仕至兵部右侍郎卒弟天與子陽俱舉進士有才

名

寇陽

掄次人由進士嘉靖八年知廣平縣操守堅確制事果斷凡有訟者數言而判曲直自分人咸畏其明決其訟遂息由是堂堦清淨囹圄空虛嘗修飭學宮規制宏備而於民纖無所擾也又

修城東門樓巡按侍御傅公名曰偕寇以著其
美歷任三載推陞禮部主事累遷浙江僉事民
到於今思之

富齊郡羽音周大夫富辰之後又望出陳留

周富辰周大夫諫
襄王伐鄭

漢富宗陳留
太守

南富嘉謨文詞雅麗雄邁張說與徐堅論近世文章曰
北富嘉謨富嘉謨如孤峯絕崖壁立萬仞濃雲轉興震

雷俱發若施之廊廟則駭矣
仕唐為晉陽尉稱北京三傑

宋富弼字彥國河南人篤學有大度仁宗時舉茂才異
等僉書河陽判官通判絳州慶厯中再使契丹

以成和議拜樞密使後與文彥博並
相天下稱為富文卒贈太尉諡文忠

富紹庭

弼子性靖重能守家法建中靖國初除
河北常平官至禮部員外郎知宿州

富直柔

弼孫少敏悟有才名靖康初召賜同進士除
祕書正字建炎中為御史中丞多所建明累

遷端明殿學士
同知樞密院事

富巖

青田人大中祥符進士知越州秩滿告老未
嘗一造官府以耆德著稱孫鈞元祐進士

富洵

紹興
進士

富直言

遇事敢諫紹興
中知樞密院事

富元衡

字公權擢進士紹興中充宮教遷宗正司終
朝散大夫元衡守節清慎終始不渝時論仰

之傲蘇軾書能逼
真尤善柳葉篆

元富德庸

濟南人至元二十五年宰慈溪下車即念曰賦役有常經簿書期會有常程孔道送迎有

常式惟橫民為百姓患苦此吾政所當急者輒下令禁諭摘其尤不悛者而重法之閭里以寧時學校毀廢政暇輒身親課督絃誦洋洋比於鄒魯

明

富好禮

洪武初為順慶府同知設立大小街衢布置郡邑坊巷覈實戶口清理田糧至今人頌其

德

富壇

浙江蕭山人
成化進士

富好禮

字子超華亭人正德辛巳進士歷副使

富于文

臨漳人正德中陝西洛南縣知縣

繆蘭陵羽音秦繆公之後以諡為姓

漢繆彤

字豫公召陵人少孤兄弟同居及娶婦各求分異彤掩戶自責弟及婦聞之悉謝罪更為雍睦

仕至中牟令有異政

三繆襲

字熙伯東海人散騎常侍稱仲長統才文章繼西京

繆徵

與金谷二十四友

晉繆播

字宣則蘭陵人才思清辨為中書令專掌詔命盡忠於國為東海王越所害

繆盾

字體祖播從弟與播名譽畧齊厯左衛大將軍亦為東海王越所害

宋繆主一

字天隱永嘉人為太學生嘗上書攻賈似道宋亡隱居教授所著有易精蘊論學軌範等

書

繆元德

知撫州儉以足用寬以愛民建和羅倉糴米活饑此收掩遺骸悉出已俸

繆瑜

工詩劉後村詩話云余筮仕江西有繆瑜袖詩來謁調官一聯云有客去遊丞相宅無人來問

孝廉船有崆峒集行

於世後為進賢令

繆朝宗

淮陰人環衛官知梅州有忠義嘗從文天祥於平江天祥歸福安自婺源間道以從精練幹

實致致奉公軍府器械悉出其手空抗之敗自經於山間

繆鑑

字君寶其先汴人靖康之難扈蹕南渡因居江陰鑑居城東之瓢底耽讀書躬行孝弟樂施與

既歿有教
集行於世

繆剛

字慶仁寧德人迪
功郎大觀進士

繆翥

字叔羽判豐
州紹興進士

繆彥常

常州人

繆烈

長樂人嘉
熙進士

繆守愚

字希顏黃陂
令淳熙進士

明繆大亨

定遠人初起義兵為元攻濠弗克元兵潰散
大亨獨率其衆二萬從元將屯橫澗山固守

月餘乃率衆降自是從征屢有功命同僉樞密
院事守江淮總制軍民為政寬簡人皆悅之卒

朝廷遣人祭其墓曰繆將軍平生端直
在諸將中未嘗有過今不見矣惜哉

繆煜

字季光江陰人洪武進士任吏部員外郎

繆觀國

祈縣人洪武進士永樂中以給事中出知江
西龍南縣公敏愷悌激勸耕讀用以成俗功

在士民

繆恭

字思敬天台人通春秋為縣學諸生已而棄舉
子業攻詩文弘治初詔求直言恭以布衣上書

論天下事其言曰臣少讀書老而不死曝日獻
芹負山填海心欲言者六事鬱於時者累年一
曰保神器二曰崇正學三曰紹絕屬四曰懷舊
勲五曰廣賢路六曰革冗員首尾厯厯凡數千
言其曰紹絕屬者大畧謂漢景帝立平陸侯劉
禮為楚王者蓋思元王之賢封禮以續其後也

矧懿文太子功施社稷福被生民禮宜擇賢宗室封國以續其祀指斥忌諱皆人所不敢道者疏入通政司官輒大懼遂拘留而劾奏之敬皇帝不之罪也特敕有司違還家

繆伯雨

工為詩有虞山樵唱暨陽黃常為之序其咏物詩二百餘首為時所稱

繆撲

常熟人景泰進士

繆樗

溧陽人成化進士任御史

繆紀

直隸人弘治進士

繆洙

上饒人舉人正德中任公安知縣

繆文龍

字見甫貴州烏撒衛人嘉靖戊戌進士

繆宗周

字惟靜雲南人嘉靖進士歷四川叅政

繆宣

字時化常熟人嘉靖甲辰進士歷主事

繆與繆同

漢

繆忌

與李少君同師勸武帝求神仙

繆越

有孝行

繆生

中公弟子見漢書儒林傳

宋

繆潛

懷州人登科

明

繆讓

長洲人永樂進士

謬志弘五臺人弘治中
上林苑監典簿

關芊姓若教之後

周

關伯比

楚若教娶于邲生伯比教卒從母畜於邲淫

之邲子田見之懼而歸夫人以告使收之以女
妻之從楚乳為設虎為於菟命曰闔設於菟後
為楚令尹

字子文

關子文

伯比之子

關克黃

子文之孫楚箴尹也楚王殺越椒滅若教氏
之宗惟克黃使於齊還聞難人曰不可以入

克黃曰棄君之命獨誰受之君天也天可逃乎
遂歸復命自拘於司敗王思子文之功曰子文

無後何以勸善使復其所改命曰生若
教之族使非克黃鬬氏將不血食矣

鬬辛

子文玄孫
成然之子

鬬懷

楚大夫成然子辛之弟也吳人入郢昭王走郢
懷曰平王殺吾父今我殺其子不亦可乎辛不

聽負王奔隨昭王復國賞有功者九人懷亦與
焉子西請舍懷王曰懷兄辛有大德并賞之

鬬廉

字射師楚大夫楚子使鬬廉帥師及巴師圍鄢
鄢養甥甥帥師救鄢三逐巴師不克鬬廉衛

陳其師於巴師中以戰而偽北鄢人逐之背巴
師而夾攻之鄢師大敗後莫敖患鄢師廉曰鄢
軍其郊必不戒旦日虞四邑之至也君次於鄢
鄢以禦四邑我以銳師宵加於鄢鄢有虞心而
恃其城莫有鬬志若敗鄢師四邑必離莫敖曰
盍請濟師於王對曰師克在和不在衆成軍以

出又何濟焉莫敖曰卜之對曰卜以決疑不疑
何卜遂敗邲師於蒲騷闔廡勇以成功楚子賴
之

闔且

楚大夫

闔丹

字子靈
見左傳

懋

明

萬歷間山西叅將
懋國輔內丘人

豆

見姓苑

漢豆如意

光武時代匈奴封關內侯

南豆代田

代人明元時以善騎射為內細射從攻虎牢
北豆代田詔代田登樓射賊矢不虛發以功遷內三郎

以從討和尤戰功封長廣
公諡曰恭子周求襲爵

豆車

魏人

明豆長寧

昆明人洪武中
河南衛千戶

豆草

獲鹿人宣德中
任安塞縣主簿

嘉靖中山西壺關縣
學訓導豆緒壽光人

繡

漢繡君賓

漢書遊俠傳有
繡君賓馬嶺人

救見風俗通

漢救義諫議大夫

救仁議郎

救赫江都人淮南王從事

就官氏志就賴氏改為就氏

明正德間陝西寧衛指揮就大勲涑縣人

漏古掌漏之官因以為氏吳興有此姓

南漏恭期宋行軍參軍

欽定四庫全書

萬姓統譜
卷一百十

十六

明

漏瑜

字元瑜有詩名正
德中山陰貢士

漏真

山陰人弘治中
任溧水縣教諭

湖州烏程
縣有漏姓

賀

漢

賀克國

字德卿
博士

賀喜

見印
數

宿

南宿石

朔方人從太武平涼
有功賜爵漢安男

唐宿翰成都馬軍

明宿進夾江縣人弘治進士體貌魁梧志行端亮歷刑部員外郎逆瑾擅權以直言受杖卒嘉靖初贈

光祿少卿縣有祠

宿九萬夾江人舉人弘治三年任江陵教諭

宿儒掖縣人正德丙子舉人

宿椿字孔齡榆次人嘉靖乙未進士

宿應參字文炳掖縣人嘉靖甲辰進士歷官太僕寺卿

嘉靖己未進士宿度河南人

右見直音

漢右公弼見印

數

宋

右吉祥安州司法

明

右巖廣西人正統中惠州教授

又見姓苑

明

又尚珍字國寶隴西人宣德中南京豹韜衛經歷

考

明

考秉彜漢州人弘治中任龍南縣丞

秀

明秀芳

石泉人洪武中
任禮部郎中

幼

漢

幼安

見印
數

句

音觀

漢

句扶

蜀大
將軍

授

漢

授異衆

丹陽
人

茂

漢

茂負

沮陽令

明

茂彪

字宗葵安化人景泰甲戌進士任御史

茂鎮

字靖之茂山衛指揮嘉靖中任山東副總兵

嘉靖中陝西洛川縣

丞茂有績高苑人

萬歷間山西倒馬關參

將茂承貞綏德衛人

副

官氏志副呂氏改為副

擢

本姓陸避事改為擢女玉切廣州多此姓

晝

風俗通齊大夫食邑於晝因氏

鄔

姓纂云越人以郡為姓

鏤

姓苑云遼東有此姓

廐

見姓苑

炙

見姓苑

紬

見姓苑

胄

見通志

舊

巨救切見姓苑又入有韻

廐

見纂要

鄧

音茂見直音

穢

音授

穢

音授

穢

音授俱見直音

琇

見姓苑

詬

見姓苑

陋

見姓苑

候 周禮候人子孫因氏焉

二十七沁

閏

明

閏鳳 樂城人正德中
任平陽府經歷

禁

見姓苑吳興有此姓

沁 見姓苑

二十八勘

閩 天水商音邑名齊卿闕止之後又望出會稽

周闕止齊卿

漢闕樂見印

三闕澤字德潤句章人家貧好學為人傭書所書既畢誦讀亦通兼通歷數舉孝廉除錢塘長吳嘉禾

中為中書舍人累官至太子太傅每朝廷大議經典所疑輒咨訪之封都鄉侯

南闕駟字玄陰墩煌人博通經傳沮渠蒙遜重之常侍左右訪以政事

唐闕稜貌魁雄善用兩刃刀長丈名曰拍刀揮殺數人前無堅對從杜伏威入朝拜為越州都督

宋闕洄尚書郎熙寧進士

闕播統軍使

明

關雲

崑山人成化舉人任知縣

嘉靖壬戌進士關繼禹四川人任知府

淦

宋

淦安

曲江人靖開

二十九豔

念

河南

南念賢

字蓋盧抱罕人少時在學遇善相者衆競詣之賢笑曰男生死富貴皆在天何用相乎魏永熙

間官至都督秦河二州刺史進爵安定郡公

明

河南祥符縣有念氏

然音念見直音

三十陷

監衛康叔為連厲之監其後以為氏

周

監祿

秦將使攻百越

漢

監正

字日利涇州人

監心

見印數

北南監伯陽

清河人頓丘董徵從之受論語毛詩春秋周易後世宗詔董徵教授京兆清河廣平汝南

四王清河王懌之為太尉引徵為
倉曹參軍其名經源始於伯陽焉

宋
監曰恭進士

監長世舉進士

鑒見姓苑

明
鑒文獻徐州人性敏有學識洪武中選入永樂中思
惟舊臣而文獻已物故召其子善為南京南

城兵馬指揮孫昭由太學生任福建行都司斷事

鑑

明
鑑復明濟陽人洪武中任江
陵知縣興學勸農

鑑搏霄

樂安人洪武二十年
山東舉人任主事

汎

三汎疑

明

汎克恭

湘陰人洪
武中舉人

萬姓統譜卷一百十

欽定四庫全書

萬姓統譜卷一百十一 明 凌迪知 撰

入聲

一屋

陸

河南角音媯姓齊宣王封少子通字季達于平原般郡陸鄉即陸終故地因以氏焉又望出吳郡

周

陸通

即楚狂接輿也春秋時三使使聘於江南通大笑不應妻曰妾與先生躬耕而食親績而衣據

義而動樂亦足矣今受人重祿乘人良駟食人醢肥將何以待之通曰吾不許也妻曰君使不從非忠也從之違義也不如去之與通變易姓名入蜀隱居峨眉山中

漢陸賈

楚人以客從高祖定天下名有口辨居左右常使諸侯時中國初定尉佗平南越因王之高祖

使賈說佗賜印封侯稱臣拜為中大夫賈時時前說詩書帝有慚色令賈著秦漢興亡之故賈

凡著十二篇每奏一篇帝未嘗不稱善號曰新語

陸烈

字伯元高帝時為吳令遷豫章都尉卒吳人思之迎葬於胥亭子孫遂為吳人

陸閱

字子春吳人篤行好學為潁川太守致鳳皇甘露之瑞建武中為尚書令姿容如玉喜著越布

單衣光武升臺見之歎曰南方固多佳人自是常敕會稽獻越布焉

陸著

字文伯桓靈之間交辟不就惟娛栖遁誠子弟云吾少未嘗官於世四十餘年汝等必於義母

苟仕濁世遂三代不仕皆有盛名

陸康

字季寧，閬中孫吳郡人。少以義烈稱，舉茂才，除關

所在稱之。袁術攻城，康固守，城陷，憤卒。

三國陸績

字公紀，康少子。年六歲，於九江見袁術，術出橘

以直道見憚，出為鬱林太守。雖有軍事，著述不廢。作渾天圖，注易，釋玄，並傳於世。

陸績

字智初，吳人。幼孤，仕郡戶曹史。太守尹興異之，後以楚王英謀反事徵興，詣獄。績被考苦毒，終

無異詞，詞色慷慨，未嘗易容。

陸遜

字伯言，康從孫。始任幕府，歷東西曹令史。呂蒙

權乃召拜偏將軍、右都督，代蒙屯陸口。以功封華亭侯，進封婁侯。黃武初，破蜀漢兵於夷陵，尋

為相

陸瑁

字子璋，遜弟，好學，篤義。仕吳，拜議郎，選曹尚書。孫權欲親伐公孫淵，瑁諫止之。子喜，仕吳，累官

吏部尚書

陸凱

字敬風，遜族子。吳黃武初，為永興諸暨長所在。有治績，拜建武都尉。雖統軍衆，手不釋書。寶鼎

初，為相，乃心公家表疏，皆指事不飾，忠懇內發。

陸抗

字幼節，遜子。仕吳，拜奮威將軍、都督信陵、西陵、夷道、樂鄉。公安諸軍事。晉羊祜率師向江陵，抗

使輕兵躡之。祜引軍還，抗無發色。故得士心，後拜大司馬。荆州牧，臨終上疏以西方為屬，史稱

其貞亮，籌幹成有父風。

陸楨

字敬宗避族子始為御史尚書選郎後至都尉赤烏十年交趾九真夷賊攻沒城邑交部搔動

以楨為交州刺史安南校尉楨入南界諭以恩信務崇招納交域清泰就加安南將軍永安元

年徵為西陵督封都寧侯中書丞楨雅善著述所撰有廣州先賢傳行於世

陸監

華亭人少時隱靜方直抗烈仕吳除後將軍司馬以功封西陽亭侯

陸喜

字文仲瑁之子仕吳遷吏部尚書好學闕忠嘗作言道訪論古今又作西州清論行世

晉

陸禕

字元容凱子仕晉行左丞相鎮西大將軍事華覈嘗表奏薦禕曰禕體質才剛器幹彊固董率

之才魯肅不過在戎果毅臨財有節

陸機

字士衡抗子少有異才文章冠世伏膺儒術非禮不動領父兵為牙門將成都王穎攻長沙王

義假機後將軍河北大都督為孟玖等所譖
密使孫秀收機與頴戕詞甚悽惋既而歎曰華
亭鶴唳可復聞乎遂遇害所著文凡三百餘篇

陸雲

字士龍機第六歲能屬文與機齊名雖清新不
及機而持論過之號曰二陸尚書閔鴻見而奇

陸曄

字士光瑁孫少有雅望從兄機每稱之元帝辟
為祭酒遷太子詹事以清直著稱拜侍中累官

光祿
大夫

陸玩

字士瑯弱冠有美名清允平當後轉尚書令詔
曰玩體道清絕雅量弘遠宜居台司以允衆望

蘇峻平以功封興平伯授左光祿
大夫開府儀同三司加散騎常侍

陸耽

雲弟為東平祭酒亦有聲譽與雲同遇害大將軍孫惠與淮南內史朱誕書曰不意三陸相攜

聞朝一旦湮滅道業淪喪國喪雋望悲豈一人其為人所痛悼如此

陸納

字祖言吳人少有清操以吏部郎出為吳興太守至郡不受俸祿頃之召拜左民尚書戒行外

白宜裝幾船納曰無行裝不必副船也臨發止攜被襪其餘並封以還官謝安嘗詣納納無供辦唯茶果而已其兄子徽密為之具安至遂陳盛饌客罷納大怒曰汝不能光益叔父乃復穢我素業邪杖之

陸邁

字功高器識清敏風儉澄峻累遷振威將軍尚書吏部郎

陸統

納弟為興內史

陸璉

吳人天監四年詔開五館置五經博士璉與沈峻補博士各主一館懷經負笈者雲會矣

陸探微

吳人善畫得六法之妙平生愛寫古賢聖像明帝時常在侍從張彥遠論其體運道舉風

力頻挫一點一拂動筆不凡

南

陸慧曉

字叔明玩之玄孫吳縣人清介正直不親交游歷官諸府叅軍尚書郎建元初遷太子洗

馬累輔五王為長史以禮處人歷東海太守五兵尚書終南兖州刺史三子僚任倅並有聲時

人謂之
三陸

陸倕

字佐公慧曉之子少勤學善屬文永明中為護軍將軍兼司徒與謝朓等八人並以文學親侍

累遷給事黃門侍郎又為中庶子中正所著有文集

陸僚

慧晚子學涉子史長於微言善姿容鬚眉如畫位西昌侯蜀郡長史

陸閑

字遐業慧晚從子有風概不苟合仕至揚州別駕為徐世勣所殺子厥絳完襄絳代父行刑并

害之

陸厥

字韓卿父閑為揚州別駕厥少有風概善屬文齊永明中舉秀才傷父被刑感慟而卒

陸襄

字師卿吳縣人仕梁為著作郎累遷司空太清初拜度支尚書後以建義功追封餘干縣侯襄

博學性至孝父母沒終身蔬食布衣不聽音樂

陸澄

字彥淵吳縣人祖劭臨海太守澄少博學淵覽或稱為書厨無所不知南齊永明初為度支尚

書領國子博士後領祭酒卒諡曰靖

陸雲公

字子龍吳縣人九歲讀漢書即能記憶從祖

倕與沛國劉顯質問十事雲公對無所失顯

歎異之梁武帝召為儀曹侍郎累遷中書黃門兼掌著作

陸爽

臨漳人少聰明年九歲日誦二千言仕北齊累官中書侍郎周武帝聞其名授宣納上士入隋

為太子內直

遷太子洗馬

陸徽

字休猷宋文帝時補建康令清平無私為帝所善元嘉十五年除平越中郎將廣州刺史加督

清名亞王鎮之為士庶所愛詠後為益州刺史

亦加督郢隲有方威惠兼著冠盜靜息人物殷

阜蜀土安之卒於官身亡之日家

無餘財文帝甚痛惜之謚曰簡

陸義

字旦齊文襄時襲爵始平侯義聰敏博學有文才年十九舉司州秀才歷秘書郎南陽王文學

通直散騎侍郎待詔文林館兼散騎侍郎迎陳使還兼中書舍人加通直散騎常侍義於五經最精熟館中謂之石經人為之語曰五經無對有陸義

陸慶

吳人少好學徧通五經節操甚高梁征西府墨曹參軍永陽王聞其名欲與相見慶辭以疾聞

詣陸榮宅王穿壁觀之曰觀陸慶風神凝峻殆不可測

陸繕

字士繡倭子幼有志尚以雅正知名承聖中授中書侍郎掌東宮管記江陵陷遜還京師高祖

引為司徒司馬領步兵校尉文帝大慶元年加侍中遷尚書左僕射參掌選事尋領前將軍命與徐陵等七人參議政事卒贈特進金紫光祿大夫諡曰安子

陸杳

字雲邁歷中書舍人黃門常侍假儀同三司秦州刺史武平初為寇所圍經百餘日就次開封

儀同三司城中死者過半人無異心

陸修靜

吳郡人早通文籍長慕神仙棲廬山東林寺與陶潛慧遠結白蓮社宋文帝表其高風名

至都作停霞寶贊使徐湛宣旨留之不可大始三年作崇虛館通僊堂強招之使講道元徽五年卒年七十二諡簡寂先生詔以所居為簡寂觀

陸詡

吳人少習崔靈思三禮梁時百濟國表求講禮博士詔令詡行還除給事中

陸士秀

字南容吳人博通百家之言在隋為學士

陸杲

字明霞歲孫吳縣人少好學工書畫梁天監初拜建威將軍尋遷黃門侍郎後以金紫光祿大

夫領揚州中正卒諡質

陸子隆

字興世吳人仕陳為中兵參軍屢立戰功都督張昭達與賊戰不利子隆來救大破賊徒

遷都督武州諸軍事封朝陽縣伯鎮荊州綏集夷夏甚得民和立碑頌功卒諡曰威弟子才有

幹略歷官信州刺史子之武官至弘農太守

陸瓊

字伯玉雲公子縉從孫少聰慧博學善屬文號為神童陳天嘉中以文學遷尚書殿中郎深為

文帝所賞後為給事黃門侍郎轉中庶子領大著作撰國史瓊素有清儉俸祿皆散之宗族卒

之日家無餘資

陸從典

字由儀瓊子幼而聰敏年八歲讀沈約集見回文硯銘援筆擬之便有佳致十二作柳賦

父瓊以示僚咸奇其異才篤好學業博涉羣書年十五遷太子舍人後入隋為東宮學士嘗讀

司馬遷史記迄
於隋名後史

陸琰

字溫玉吳縣人幼孤好學有志節仕陳以法曹
參軍直嘉德殿學士世祖以其博學引置左右

嘗使製刀銘琰援筆即成大建初
為武陵王功曹使兼東宮管記

陸瑜

字幹玉少篤學美詞藻與兄琰同時為東宮學
士兼以才學娛侍左右時人比之二應累遷太

子中書
舍人

陸玠

字潤玉弘雅有識度好學
能屬文直天保殿學士

陸琛

字潔玉少警俊事後母以孝聞年十八上善政
頌甚有詞采由此知名直宣明殿學士歷司徒

陸侯

代人世領部落從征有功侯少聰慧多智明元
踐祚襲爵闕內侯位給事中典選部蘭臺事當

官無所撓策高車必叛帝曰卿身乃短慮何長也復除散騎常侍屢從征加都督秦雍諸軍事鎮長安進爵東平郡王諡曰成

陸敬

侯長子多智有父風文成見而悅之謂朝臣曰吾嘗歎其父智過其軀是復踰於父矣興安初出為相州刺史假長廣公為政清平抑彊扶弱州中有德宿老名望素重者以友禮待之詢之政事責以方略如此者十人號曰十善又簡取州縣彊門百餘人以為假子誘接殷勤賜以衣服令各歸家為耳目於是發姦擿伏事無不驗百姓以為神明有六子琇愷最知名

陸辯慧

絳子年數歲詔引入殿內進止有父風宣帝賜名辯慧字敬仁後為少府卿

陸騰

字顯聖後魏孝武西遷留鄴為陽城郡守文帝大統九年魏軍東討陽城被執宇文泰釋之曰

卿可謂不背本乎累進位
驃騎大將軍轉江州刺史

陸山才

字孔章吳郡人少儻好文史起家
至國常侍後鎮豫章屢武昌太守

陸罩

字洞元少篤學多所該覽善屬文闕
記室叅軍撰帝集敘稍遷太子中庶子禮遇甚為

厚大同七年以母老求去公卿以
下祖道於征虜廷時人方之疎廣

陸夸

高邑人耽好書傳高尚不仕少與崔浩為莫逆
交浩為司徒奏徵為中郎辭疾不赴州郡逼遣

不得已入京與浩相見經留數日唯談敘平
生不及世利浩每欲論屈之竟不能發言

陸真

代人少善騎射太武以真膂力過人從討蠕蠕
以功賜爵關內侯後攻懸瓠登樓臨射城中弦

不虛發進爵都昌
侯位選部尚書

陸琇

字伯琳，馥第五子。琇年九歲，馥謂之曰：汝祖東平王，有十二子，我為嫡長。今已年老，汝幼，中豈

堪為？陸氏宗首乎？琇對曰：苟非闔力，何患童幼？馥奇之，遂立琇為世子。襲爵琇沉毅，少言雅好

讀書，累遷祠部尚書。

崔珍所害，尋赦復爵。

陸凱

字智君，琇弟。謹重，好學。位太子庶子，給事黃門侍郎。凱在樞要十餘年，以忠厚見稱。痛兄之死

哭無時節，目幾失明。訴冤不已，至正始初復兄爵。凱大喜，置酒集諸親，曰：吾數年中抱病忍死

者，顧門戶計耳。今願已遂，吾事畢矣。頃

之卒，贈龍驤將軍、徐州刺史，謚曰惠。

陸暉

凱子，字道暉，與弟恭之並。有時譽。洛陽令賈禎見其兄弟，歎曰：僕以老年更覩雙璧，天嘗兄弟

共候黃門侍郎。孫惠蔚，惠蔚謂諸賓曰：不意二陸復在坐。隅吾德謝張公，無以延譽。暉位尚書

右戶三公郎辟擬急就篇為悟
蒙章及七誘十醉章表數十篇

陸恭之

字季順有操尚位東荊州刺史贈吏部尚
書諡曰懿恭之所著文章詩賦凡千餘

陸暉

字仁崇恭之子篤志文學齊律序則仁崇之辭
也位通直散騎常侍弟寬字仁惠太子中書舍

人待詔文林館寬兄弟並
有才品議者稱為三虎

陸麗

敬弟少以忠謹入侍左右太武特親昵之舉動
審慎切無憊失賜爵章安子稍遷南部尚書太

武崩南安王余立既而為常侍宗愛等所殺百
寮憂懼莫知所為麗首建大議奉迎文成於苑
中而立之社稷獲安麗之謀也由是受心膂之
任在朝者無出其右興安初封平原王頻辭文
成曰朕為天下主豈不能得二王
封卿父子也卒諡曰簡配享廟廷

陸旭

敬從孫性雅澹好易緯之學撰五星要訣及兩儀真圖頗得其旨要太和中徵拜中書博士稍

遷散騎常侍知天下將亂遂隱於太行山屢徵不起卒後贈并汾恒肆四州刺史

陸定國

麗之子在襁褓時文成幸其第詔養宮內至於游止常與獻文同處年六歲為中庶子及

獻文踐祚拜散騎常侍賜爵東郡王

陸獻

定國弟字思弼年十餘襲爵撫軍大將軍平原王沉雅好學折節下士年未二十時人便以宰

輔許之娶東徐州刺史博陵崔鑒女時孝文尚未改北人姓鑒謂所親云平原王才度不惡但恨其姓名殊為重複獻婚自東徐還經鄴見李彪甚敬悅之仍與趣京以為館客後為北征都督擊蠕蠕大破之遷侍中都曹尚書

陸昕之

字慶始定國子風望端雅襲爵尚獻文女常山公主拜駙馬都尉歷通直郎歷充青二州

刺史並有政績謚曰惠

陸希道

字洪度獻子有風貌美姿驍歷覽經史雅有文致初拜中散遷通直郎徙遼西以軍功賜

爵淮陽男累遷前將軍涇州刺史希道善於馭邊甚有威略六子士毅字元偉關郡公士宗

字仲彥尚書左外關郎中士述字幼文符璽郎中士沈出繼叔昕之士廉關建州長史士

佩字季偉安東將軍

陸操

麗從孫字仲志高簡有風格早以學業知名雅好文操為兼散騎常侍聘梁使還遷廷尉卿齊

文襄為世子甚好色崔季舒嘗為掌媒焉時薛寘妻元氏有色迎入欲通之元氏正辭且哭世

子使季舒送付廷尉罪之操曰廷尉守天子法
須知罪狀世子怒召操命刀環築之更令科罪
操終不撓乃口責之後徙御史
中丞天保中卒於殿中尚書

陸通

字仲明吳郡人曾祖戴隨劉義真鎮長安遂沒
赫連氏父政事周文賜爵中都縣伯通少敏有
志節累以平寇功進爵綏德郡公後遷大司馬
所得祿賜盡與親故嘗曰凡人患貧而不貴不
貴也

陸逞

字季明通弟起家羽林監獨兼文雅歷藩郡御
史中大夫進開府儀同三司幹識詳明所在著
績進爵
為公

陸彥師

字雲房魏郡人好學能文親沒與兄卬廬墓
負土成墳北齊表其閭卬當襲父侯爵以讓

彥師固辭乃止時稱友悌孝義萃於門
隋初以彥師為尚書左丞轉吏部侍郎

陸卬

字雲駒代人祖昕之魏安北將軍相州刺史父
子彰中書監家世有傳卬少機悟美風神好學

不倦博覽羣書五經多通大義善屬文甚為河
間邢邵所賞邵又與子彰交游嘗謂子彰曰吾
以卿老蚌遂出明珠意欲為羣拜紀可乎由是
名譽日高雅為搢紳所推許起家員外散騎侍
郎歷文襄大將軍主簿中書舍人
兼中書侍郎以本職兼太子洗馬

陸超之

齊江州史晉安王子懋防閭也隆昌元年宣
城公鸞既專廢立又殺諸王遣將至江州害

子懋或勸超之逃亡超之曰人皆有死此不足
懼吾若逃亡孤晉安之遂端坐候命
賞自後斬之頭墮而身不僵及殯斂門
生亦助舉棺棺墜壓其首折頸而死

陸子真

宋海陵太守時中書舍人秋當見幸家海陵子真不與相聞時論高之

隋陸知命

字仲道富陽人好學識大體以正介自持大業初拜侍御史侃然正色百僚敬憚卒贈御

史大夫

陸騫

字雲儀歷中書舍人後任中山太守以政績著稱於時弟搏字雲征好學有行檢官著作郎

唐陸德明

字元郎吳縣人善名理受學於周弘正大建中嘗入講承光殿高祖時為國子博士後封

吳縣男論撰甚多太宗悅其書嘉其博辨以布帛三百段賜其家

陸士季

吳縣人從顧野王學左氏春秋司馬史記班氏漢書隋時為著作郎貞觀初終太學博士

兼弘文館學士曾孫南金

陸餘慶

吳縣人祖珣仕陳為右將軍餘慶方雅博學舉制策甲科武后時擢監察御史累官太子

詹事中宗朝倖臣貴主斜封大行餘慶獨能以道自將雖仕不赫赫訖無悔尤

陸元感

字達禮海鹽人父梁學士謀道善班馬學元感得其傳厯建安溧陽令黃州司馬二子南

金趙壁

陸南金

吳縣人貞觀初為太常奉禮郎開元初以匿廬崇道按捕當重法弟趙壁自言匿崇道者

我也御史怪之壁曰母未葬妹未歸兄能辦之我生無益不如死御史驚上狀太宗皆宥之官

至太子洗馬

陸元方

字希重餘慶從子舉明經及八科皆中累官監察御史武后時拜鸞鳳侍郎同平章事以

忤旨下除太子右庶子進文昌左丞元方性清慎臨終取奏稿焚之曰吾陰德在人後當興者

陸象先

元方子初名景初器識沉邃舉制科高第御筆改令名景雲中同平章事恬靜寡欲議論

高簡為時所推玄宗時出為蒲州刺史兼河東按察使嘗曰天下本無事庸人自擾之耳澄其源何患不簡所至吏民懷之終太子少師諡文貞

陸景融

元方子美資質博學工筆札以蔭補新鄭令有政績累遷工部尚書東京留守景融為象先後母弟象先被笞融諫不入

則自楚母為損威人多其友

陸景倩

元方子仕為扶溝丞河南按察使平構覆州縣殿最欲必得實有吏言狀曰某彊清某詐

清惟景倩真清仕終監察御史

陸長源

字泳之餘慶孫瞻於文學累遷都官郎中出為汝州刺史徙宣武遇軍亂被害長源以清

白自將去汝州送車二乘曰吾祖罷魏州有車一乘而圖書半之吾愧不及前人云

陸闕

聲

景融四世孫善屬文通春秋易老子論著甚多昭宗時為給事中累官戶部侍郎同平章

事得書法凡五字據坤闕抵謚曰文

陸龜蒙

字魯望長興人寓居松江甫里自號江湖散人天隨子甫里先生以高士召不至與顏蕘

皮日休羅隱吳融為益友著吳興實錄四十卷松陵集十卷笠澤叢書三卷自比涪翁漁父江

上丈人門有巨石乃遠祖績為鬱林守罷歸無裝取以重其船者人稱其廉號鬱林石

陸敦信

嘉興人高宗朝拜左侍極檢校左相封嘉興縣子子齊望官至秘書少監齊望之後曰倂

以蔭補溧陽尉民懷其惠而祠之

陸暢

字達夫吳縣人早有才名舉進士授官秘書丞植性謹和莅事周旋剖斷公事人人不究終日

長吟不視公牘王仲舒徵言竟拂衣去曰不可偶為大夫參筮而廢志業由此美譽益彰

陸贄

字敬輿嘉興人年十八登進士第又中宏辭拔萃德宗時為翰林學士從幸奉天日詔書旁午

思如湧泉武夫悍卒聞者無不感泣思奮累遷中書侍郎同平章事為裴延齡所讒貶忠州別駕在朝論諫甚切一本於仁義卒謚宣所著有奏議翰苑文集

陸明允

字信夫吳郡人宣公贄之從子元和三年以集賢校理出為奉化縣令惻怛無華視民如

子屬歲大旱隣境人相食明允輯和其民振廩食以給道路之餓者全活數萬人治行為天下

第一復於龍潭溪疊石障水鑿渠引流下通廣平湖達於江溉田數千頃後名其堰曰資國渠曰新河至今賴之在邑五年卒民立祠祀焉

陸亘

字景山吳郡人自虞部員外郎出為鄧州刺史其後入為戶部郎中秘書少監太常少卿歷刺兗蔡號薊四郡遷越州刺史浙東團練觀察等使移宣歙觀察使加御史大夫太和八年九月卒年七十一贈禮部尚書亘強明嚴毅所至稱理

陸羽

字鴻漸復州人幼未知所生及長以易自筮得蹇之漸曰鴻漸于陸其羽可用為儀吉乃以陸為氏名而字之上元初隱居苕溪自稱桑苎翁又號竟陵子在隴西公幕府自號東園先生又曰東岡子後杜門著書或獨行野中誦詩擊木徘徊不得意或慟哭而御嗜茶著茶經三篇

陸展

字祥文，贅族孫舉進士，從僖宗幸山南，累遷翰林學士，展屬辭敏速，若注射然。昭宗甚優遇之。

官至中書侍郎同平

章事，爵嘉興縣男。

陸束之

吳縣人，仁公子。虞世南甥，官著作郎少，依舅氏，臨書冠古，無比。隸行，時入妙品。

陸質

字伯冲，明春秋師事趙啖，傳二家學。門人以質能文，聖人書通於後世，私謚曰通文先生。

五代陸昭符

秣陵人，開寶間，問罪江南，後主求緩師，以昭符為進奏使，以其善計度，累加任，使嘗為常

州刺史，有善政。一日到郡，廳忽雷電，繞庭，官吏震懼。昭符叱之，雷電頓止。及舉案牘，得大鐵索，重數百斤，人尤駭之。而昭符神色自若，命收索付官庫，以示後人。

宋

陸萬友

靈邱人，仕周累官安州防禦使。宋討江南，造舟采石磯，以濟師，命萬友守之。江南平，為和

州防禦使終河陰兵馬都監萬友始業
巧鑊既貴達以銀為巧鑊器示子孫

陸誦

字介夫餘杭人第進士有禦邊才熙寧中鎮撫西夏復靖交趾之難仕至天章閣待制

陸佃

字農師山陰人貧居苦學映月光讀書擢進士嘗受經王安石而不以新法為是累官鄆州教

授歷知數州徽宗時為尚書左丞所著有埤雅春秋後傳禮象等書二百餘卷

陸師閔

以父任補官熙寧末李稷提舉成都路茶場辟幹當公事不三年提舉本路常平遂居稷

職在蜀茶額三十萬稷既增而五之師閔又演為百萬稷死師閔訟其前功詔賜稷田十頃進

師閔都大提舉成都永興路權茶位視轉運使累遷戶部侍郎

陸滋

字元象世家杭通毛鄭二詩易春秋既冠辭試鄉舉母病不行後三年復在選察母有難別之

色復已遂自訣曰夫仕不獨為時亦為親苟感
吾親吾何為行哉自是凡聖經賢史九流百家
之說無不覽讀或引以答客問章解句析不差
一字聞者咸謂終年讀書不如與陸先生一日
語日哦木石間皇祐四年詔錄先朝遺士府以
滋上之得杭州文學卒滋嘗治居其隣有以侵
地給者滋笑即為縮材以建所
著詩賦文論書誌合二十卷

陸徽之

字彥猷景之孫太學上舍生免殿試賜同進
士出身終濮陽簿建中靖國初詔求直言與

雍孝開等力
陳時政缺失

陸蘊

字敦信侯官人少知名舉進士累官御史中丞
蘊頗論事嘗言御筆一日數下而前後相違非

所以重命令輔相大臣宦官戚里賜第營築縱
撤民居縣官市材於民而不予直貴游子弟以

從官領閒局奉朝請為員猥多無益於事又賜與過制中外用度多於賦入數幸私室乖尊卑之分亦非臣下之福其言皆中時病後以龍圖閣待制知福州

陸祐

字亦顏候官人宣和中舉進士為莆田主簿判湖廣南路宣撫司准備差遣福建茶鹽司幹辦公事所至盡心職事察冤獄有惠愛於民生平不求榮進或勸以治生笑不答酬酢世務不隨俗之好尚不顧人之是非率以禮經從事居母憂終喪不忍去墳墓尤刻意問學讀論語大學中庸尚書反復玩味究其旨歸士大夫狀其學行乞添差教授從之

陸宗

字元珍任台州寧海縣丞遇事立決歷杭州仁和縣尉越州司工曹事所至以治政稱後提舉京畿常平等處北敵犯闕諸司皆遁去宗獨以便宜招集燕山戍卒數千離以保甲日夜部勒

習教扼據要害敵不能犯而潰卒亦不為亂措置號令赫然有大將風采

陸寔

字居安本山陰人游之從祖父也徙居餘姚所居濱江一室蕭然數十年几席琴書皆未嘗易

閉門力學不妄與人交好樂律考關睢鹿鳴諸書抑揚比合音律時時自歌之中正簡古欲上書請用於鄉飲會疾不果子洙亦舉進士為鹽官尉

陸時雍

淳安人幼孤貧與兄力樵養母稍長補郡學生念母兄食不給語掌膳曰吾日飯勿盡炊

願輟一膳遺母自以一膳分為晨午其苦節孝養如此後登宣和進士第中博學宏辭科歷秘書丞復請以恩官其兄子

陸藻

知泉州崇尚高年招致郡中謝事五老藻賦詩云五老三九十七俱生仁祖承平時名齊廬

阜久傳世身異
商山深采芝

陸圭

字朝璋以蔭補泗二州兵馬都監宣和中饑發粟賑之全活者萬計適方臘之亂引兵鏖戰於嚴之七里灘賊敗走率師還錢塘舟覆而殁紹興間江水溢嘉定蝗皆若有神捍之者淳祐江復大決隨築隨圯有司方禱於江俄浮石水面神與三女揚旗空中有兵馬都監等號堤賴以成浙西守臣徐臬上聞敕封廣靈侯

陸綰

字權叔常熟人舉進士兄弟分產綰推先疇付之捐俸敦族篤教孤姪名登科名厯知揚子雍邱二縣終尚書職方郎中所著春秋新解三十卷

陸游

字務觀佃孫蚤有文名為秦檜所嫉檜死始為寧德主簿孝宗時擢編脩官後知夔嚴二州皆

有令聞以寶章閣待制游才氣超逸朱熹言其能太高迹太近恐不得全其晚節云

陸筠

金谿人紹興中進士平生篤好孟子著翼益音解九十一條周必大稱其嗜古著書有益後學

陸九韶

字子壽金谿人與朱熹同時隱居山中講學其學淵粹晝之言行夜必書之自號梭山老

圃遺戒不得銘墓所著有梭山文集行於世

陸九齡

字子壽九韶弟乾道進士為全州教授嘗與弟九淵講學鸛湖有詩文傳世沒贈直秘閣謚文達

陸九淵

字子靜生三四歲問其父天地何所窮際父笑而不答遂深思至忘寢食乾道中進士官

至知荆門軍居象山教授生徒數千百人有詩文語錄傳於世沒謚文安

陸九思

字子彊舉進士幼弟九淵之始生鄉人有求抱養為子者二親以子多欲許之子彊力以

為不可是年子彊適生子煥之與其妻曰我子
付田婦乳之爾可且乳小叔其妻忻然而從九
淵既長事兄嫂如事父母及守荆門迎侍以住
不半年而歸後因書以郡政告子彊猶責其於
功其嚴毅如此每有家問訓飭子孫深以不識
禮義為憂家庭藹然晚以恩授從仕郎弟九敘
字子儀善治生總藥寮以給家用諸弟有四方
游旅裝立具或諸論事未決徐出一語折衷之
人為高其行義稱為五九居士

陸持之

字伯微臨川人九淵之子七歲能為文九淵
授象山之上學者數百人有未達者持之為

數繹之著書十篇名懃說嘉定初袁燮薦於朝
為持之議論不為空言緩急有所倚仗寧宗特
詔持之秘書省讀書固辭不獲既至又詔以迪
功郎入省理宗立轉脩職郎差幹辦浙西安撫

司經畫悲當以疾乞致仕所著
有易提綱諸經雜說行於世

陸友

字友仁博雅好古工漢隸八分書尤能鑒辨鍾
鼎銘刻法書名畫皆有精識嘗著硯史墨史印史

陸起

真陽令有村巫以銀甕貯二蛇惑民觀者
塞路起斬蛇捕巫遠近駭服稱為神明

陸同

字彥和厯城人建炎間父有常知臨淄縣抗敵
死節同以恩補官調建康戶曹不畏強禦知望

江縣先是朝廷行營田民未復業者藉之募民
耕聚及民既復業猶俾於賦外併輸名曰附種
營田民多逃徙同請於部使者蠲
之改知廬江中外交薦書名御屏

陸世良

字君晉同子知德安府陞辭言時事者三孝
宗首肯嘉納復問銅錢透漏及沿邊守禦要

害世良隨問奏對詳敏既至條上五事上施行
者三宰相周必大薦之除廣東提刑未幾請祠

欽定四庫全書

卷一百一十一

歸自號居塵居士藏書萬卷
父子徜徉里中人時榮之

陸墳

字子應其先高郵人建炎避地始居崇德父承議光弼以長者稱有陰德於人墳醇厚忱識出於天性清而有容見之者鄙吝自消事繼母以孝聞從叔唐老以兩優釋褐不及仕而卒母趙無依迎養敬事二十年如一日與弟秘書墳同居合志友愛惟篤弟先沒念之不忘扁墓菴曰懷取孔懷之義程

內翰秘為之記

陸峻

字子高入太學登紹熙進士授文林郎紹興府觀察推官以愛不赴再調滁州教授尊禮老成興小學由是皆趨學始有以進士起家者秩滿授兩浙轉運司幹辦公事抑強扶弱中外翕然除國子錄遷武學博士除秘書省校書郎峻平生清脩寡欲有益齋集十卷

陸夢發

字太初歙人幼穎悟少長博覽精研尤深於春秋之學登寶祐四年進士充江東安撫司

幹辦公事時馬光祖為安撫使兼沿江制置取所部未決之事悉委之以覘其才依經傳律裁決如流由是深相敬異大府闕觀文薦於朝特授臨安府左廂公事再除大府寺丞時海寇拒命有旨令夢發以奉使率兵討捕朝士多危之夢發歎曰既為臣受命當致身而已義軍失利夢發遂沒於王事年五十三贈朝請大夫夢發為人尚氣節喜推挽後進為文瑰奇典雅筆削尤精有詩文曰烏衣集并圻南集

陸子通

山陰人嘉定十二年為溧陽令溧陽俗故武健而信淫祠巫現有白雲宗者以妖術誘致

良民轉相憑結子通至廼興學校習禮讓擇民之秀者教之而使勸化其愚謂諸巫曰是不兩

欽定四庫全書

卷一百十一

立有我無若輩乃誅鋤其魁者一二人白雲宗
所據民業悉歸其主由是縣境肅然習俗頓革
廼以農暇治溝瀆新公署
郵傳橋路皆井然可觀

陸秀夫

鹽城人景定初進士李庭芝鎮淮南辟置幕
中每宴集坐尊俎間矜莊終日未嘗少有希
合德祐初以禮部侍郎使軍前議和不就二主
走溫州秀夫追從之益王立於福州進端明殿
學士僉書樞密院事時君臣播越海濱每朝會
秀夫儼然正笏立如治朝王殂又立衛王以秀
夫為左丞相至元中崖山破秀夫驅
妻子先入海中尋負王赴海而死

陸文圭

江陰人幼穎悟博通經史百家及天文地理
律歷醫藥算數之學宋亡隱居不仕元初設
科有司強之就試再中鄉試文圭為文融會經
傳縱橫變化莫測其涯東南學者皆宗師之元

數遣使幣聘不起

陸霆龍

華亭人咸淳鄉貢進士宋亡即棲隱講授終其身衣冠不易嘗自贊畫像其略曰勤勤劬

劬耽嗜慕悅而不舍者聖賢之書趙趙趙趙畏懦退縮而不敢者世利之途或者見之而指笑此必抱遺經行古道之士

陸德輿

字載之崇德人從父鑣嘉定初進士後十年德輿由童子科登第有文名歷兩浙知貢舉

官至吏部尚書弟文輿通經史仕按察使判官宋亡隱居不仕

元陸屋

江陰人自幼以孝友聞至元間巴延兵南下屋時年未冠而志強氣銳率其鄉人見之論議有

合元兵遂不涉其境巴延奏授同知徽州路以廉能稱累官湖廣廉訪副使陞浙西廉訪使所

至黜賊吏先寬
獄卒諡莊簡

陸以衡

無錫人明易經溯程朱之源得象外旨
趣至正中闕官至翰林待制

陸思孝

山陰人性至孝母老病痢醫禱久不效思孝
方欲割股肉為糜以進忽夢寐間恍若有神

人者授以藥劑思孝得而
異之即以奉母其疾遂愈

明

陸闡

興化人父謙為湖廣都司斷事闡博學多能詩
畫書法皆精緻洪武初任楚府侍讀所著有續

古樂章并詩集弟顯由明經歷官禮部員
外郎嘗纂脩寶錄善詩畫字稱三絕云

陸中善

字仲善慈谿人洪武丁卯由國子生授刑科
給事中正直敢言聲譽日起建文皇帝北巡

留皇太子監國以尚書蹇義金忠為詹事以中
善為丞與侍講楊士奇共總青宮之政小心慎

密夙夜匪懈後坐解縉事出為交趾邱烏縣令未幾復職疾亟謂其子曰今仕宦為子孫罹禍者比比吾歷官二十年受知二聖竭忠守分以清白遺汝吾目瞑矣

陸引

字惟遠羅源人嚴毅方正不泛交游鄉人號為獨鶴洪武中以材薦入見上問為政治民之術

乃心勤乃事他日來覲朕將合馬以考爾其敬之引抵任鋤強植弱吏長而民懷之俸祿之外計口植蔬家人不知魚肉之味以憂勞得疾一夕城隍廟祀者夢新城隍莅任問為誰曰陸公也驚覺引已氣絕矣

陸矩

字仲輿歸安人以父斌坐累謫籍河間之阜城儒學生宣德己酉中京闈鄉試登癸丑進士授

刑部主事轉郎中用法平允有歐榮者以邪術魘魅論死誅連坐者十餘人矩獨以寃議大理

寺劾之當落職會御史陳克昌論列其事遂領職如故正統十四年閏賊反命寧陽侯陳懋大司馬金濂往討之濂啓以矩自副而贊畫居多又與保定伯梁珪獨當一面擒其賊首鄧伯孫而釋其脅從者閭境平以功陞都察院右僉都御史出鎮關定時關定諸郡當北敵入寇之餘官無廬舍民皆潰散矩百方招撫完葺之尋又叅贊延綏軍務卒於官朝廷惜之賜祭造墳子濬以父功授錦衣百戶

陸瑜

字廷玉鄞縣人宣德八年進士授刑部主事歷員外郎中在法曹十有餘年陞山東右布政轉左李賢薦為刑部尚書明於法律

練習典故屢辨冤獄謚康僖

陸平

字仲徹矩之弟永樂間父斌以事遷阜城因家焉充邑庠生以易經領正統甲寅順天鄉試授

監察御史尋擢貴州按察副使從
征永寧有功賜衣獎諭卒於官

陸景

字孟昭太倉州人景泰甲申進士天順間為郎
刑部以繫者既挂梏之鼠齧焉為置狸後乃蒙

其利尤善造請不間寒暑客相過無問所從與
飲食結歡而去其個儻類陳益公家故無餘貲
而問遺交際不缺送往迎來既不
暇而曹事亦無廢遷叅政以讒歸

陸珩

字用節矩子由阜平縣學生登天順順天鄉試
成化己丑舉進士授南京刑部主事識達事體

疏通法律每決大獄多所平反擢守西安遷江
西按察使守法持正屢為中貴所撓同官者皆
中禍珩處之晏然不為所屈時論高之歷應天
府府尹以直道不阿忤逆瑾謫兩淮運司同知
令致仕嘉靖紀元詔復職珩天性謹厚風采溫
然如玉持已清潔待人謙抑士大夫多敬愛之

陸錢

字鼎儀崑山人天順癸未進士第二官編脩侍

孝皇帝東宮以經義日陳之啓沃功多論說皆

見聽納及嗣位進太常日侍帷幄益親忽被疾

乞歸遂卒所以追卹良厚錢性沉嚴寡言笑嗜

學亦工為文自矜高人無能當其意故或

目之隘所著書長於春秋當時有傳者

陸簡

字廉伯武進人成化丙戌進士第三累官諭德

至詹事兼侍講學士兩典試事稱得人以疾卒

於官簡志行清峻問學

該博贈禮部右侍郎

陸完

字全卿長洲人成化丁未進士初為博士弟子

時有方士王臣奉敕肆虐拘繫諸生抄寫方書

冀得賕賂有司惴惴恐怖完俟臣至閭門拉同

黨者共擊之巡撫三原王公恕奇之臣亦被恕

奏腰斬厯官至兵部尚書時劇盜劉六劉七起

山東破城邑殺官民勢不可遏完奉命統兵征

之大小數十戰皆捷斬虜至萬五千有奇賊平
加賞進太子太傅吏部尚書逆濠之亂追論完
在司馬時受濠賂復護衛持兩端無大臣
節下司寇論死議功謫戍泉州籍其家

陸容

字文量崑山人成化二年進士為縣學生郎有
志經濟大肆力於經史百家至凡典禮兵刑漕

運水利之類靡不通
究歷官浙江叅政

陸淵

字克深上虞人成化
丙戌進士歷布政

陸淞

字文東平湖人弘治進士父錕知程鄉有惠政
淞領浙江解首舉進士預修大明會典授禮部

主事忤逆瑾下詔獄得白轉主客郎中終南京
光祿卿舉法繩遠節縮浮靡為堅黨所嫉子杰
字元望正德辛未進士歷工部侍郎景字元晉
嘉靖戊戌進士歷刑部主事隸兵部司務集鄉

舉吏部司務孫光祖嘉靖丁未進士歷侍郎
光祿已未進士歷提學副使光裕光宅舉人

陸奎章

字子翰武進人詹事簡之子幼雋異好讀古
書時擬諸名家為文有昌黎陸機風致貢上

南宮為司成崔銑所知上感遇詩三十首大見
器重領嘉靖戊子薦除知武康改太寧不樂簿
書期會事改寧波教授至則平生所治舉子業
與諸生訂可否卓有程式已復擇博洽雋異者
與朝夕論難居常手不釋卷在學有陸詩別傳
十二卷道編二卷擬策問二卷所論著皆有古
意諸生稱文行必
曰陸東坤先生

陸愈

字抑之平湖人第進士知江都為人爽愷有才
具察民隱吏弊政治惠流築邵伯堤教民鑿溝
洫興水利灌田時縣羨銀數萬多議輸於戶部
愈請撫臣儲以救荒其後果大侵民賴是以濟

擢監察御史按西蜀所至以興利除害勸學懲奸為務卒官蜀人惜之

陸深

字子淵號儼山上海人由南畿解元登弘治乙丑進士官庶吉士歷任外省入為國師平生多

病位止宮詹以三品滿考謚文裕古今文及字學俱獲時譽

陸崑

字如崑歸安人與弟嵩同登弘治丙辰進士授清豐知縣陞監察御史條陳十二事皆關切時

弊正德丁卯逆瑾肆姦崑率同官持劾逮下詔獄放歸復逮加杖釋歸瑾誅復職致仕倘佯山水不問世事世廟初詔錄用不就上請正禮樂議徽號諸事弗行崑生平好義重禮忠介孝友處家行己俱有矩度接物待人洞見表裏但嫉惡太甚齟齬於時

陸嵩

字如嵩崑弟弘治丙辰進士初授福建羅源縣知縣改南平土瘠民夥供頓連絡無虛日為之

極力扶衰救敝邑有大姓羅氏者怙勢殺人莫敢問竟逮捕置於法疫厲大作同寮有舉室物故者人咸請避之綜理弗顧因得疾以卒民為立祠祀之後入鄉賢祠

陸偁

字君美鄞人瑜從孫登弘治癸丑進士授監察御史銳於經略風裁獨持陞福建按察副使巡

視海道時海寇充斥偁乃演木戰火攻之法距擊之而又設畫防什伍海艘程出入時往來立賞格嚴哨探定保甲邊徼肅然已而汙漳山氓嘯聚為盜當路者以兵事屬之偁增築三堡據險守要謀賊半至麾伏卒突之又張奇夾擣俘賊無算地方底寧閩人德之偁孝友天性親亡躬負土以葬兄病親為嘗藥乃其大者其子曰鉦曰銓曰武

陸琛

字懷獻烏程人弘治舉人授滁州知州歷按察僉事居官清介一塵不染鄉邦多推重之

陸璫

蘭谿人鄉舉正德中任萬載知縣豈弟有巨豪

盜者璫難剪不遺力歲饑民多逋負移檄交

至璫即自械繫民咸願身代璫曰父老無自苦

吾寧忍於此者無忍爾輩流離也勸課學徒撫

存孤寡皆心誠恤後

以謗調民痛哭遮留

陸瑯

字秀卿嘉善人歷武昌常德知府調岳州清介

自持政尚大體胥徒不下州縣歲旱躬詣州縣

詢民瘼首疏於朝數請發公帑賑濟復給牛種

助耕兵儲不支請轉漕長沙每事務以愛民為

本尋擢太僕少卿岳民

設主祀之終都御史

陸鉞

字容之偁長子正德甲戌進士授南京車駕司

主事故職郵傳符檄繹騷獨綜理井井而中貴

濫用黃馬快船裁減殆十之五六轉員外郎郎

中尋陞安慶知府陞貴州按察司副使歷陞廣

西按察使江西右布政使福建左布政使所至皆有表樹陞巡撫保定都御史會聖駕南巡鉦倉卒經畫百務立辦而中貴與都護革索賂不與落職歸

陸銓

字選之鉦弟嘉靖癸未進士除刑部主事改兵部武選陞禮部儀制郎中時上方稽古禮文以隆制作議四郊九壠親蠶親籍諸禮內降旁午而討論陳奏頃刻凡數四宗伯大臣盡倚以為辨莫不當上心忤時宰遷福建按察副使陞河南叅政廣西按察使時弩灘倭賊侯公丁難處胡藍二姓之間相助為寇或議大舉兵盡誅之銓曰堅賊黨而分我兵且逆順難明非計之得也不若計殲渠魁而撫其餘監軍者如其言而弩灘果平隨陞廣東右布政使以內艱居家卒銓質性英銳讀書一目即解操筆為文滾滾莫禦而卒不戾於矩度雄視天下謂豪俊莫能相

先而當官莅政刺繁解劇不啻庖丁之游刃也

陸錢

字舉之銓弟甫能言母楊氏命之以字百試不

與稍長慧智開發一目輒數行正德庚辰廷對第二拜翰林編脩銳志問學盡覽經史百家言儕輩素以才名者皆詘下之尤砥礪名節以古

人自期待時議禮諸臣欲引以為重錢卒不應會預脩武皇實錄成進脩撰已而大禮告成議禮者秉樞脩宿憾遂出為湖廣按察僉事擢山東按察副使職專學校明章程嚴品式正文體所至敦尚孝悌分別義利士習為之不變疏請致仕錢性資溫厚和不流口未嘗言人之短而剛大之氣侃侃不阿錢於書無不讀為文奧衍宏暢詩則溫醇而典雅蓄而諷有晉唐之風有少石子集十

三卷藏於家

欽定四庫全書

卷一百十一

陸澄

字元靜一字清伯歸安人少沉默寡言從陽明先生講致良知之說心切慕之正德丁丑舉進

士授刑部主事陞郎中會大禮議起澄上疏力諍外遷廣東按察僉事罷歸閉門靜養所見益高澄嘗嘆箋註非聖賢正脉故其著述雖少而深造自得非後人所得而窺其藩籬也後高陵太史呂公拙稱元靜人品甚高其問學致良知篤信力行為陽明高弟

陸震

字汝亨金華人正德進士初知泰和有和買精葛以奏權貴者震白當道止之歷官兵部諫止

南巡杖死贈太常少卿門人私謚忠定先生

陸時中

字幼貞澄姪嘉靖壬午舉人幼聰敏時年十歲餘邑侯見而奇其貌命作對聯云茶烟驚

鶴夢即應曰花露濕蜂鬚侯大稱賞薦引入泮自登科後有志力學每以未聞道為恨扁其居

曰心性元非二物天人總是一家又曰有園太極忙諸子無語青山笑六經洒然有遺世獨立之志所著有建文逸史午峰集二十卷

陸時雍

字幼淳澄姪嘉靖癸未進士幼從伯兄學終身父事之家貧年十八好學文提學劉五清

試其文曰此子他日必正色立朝初任知上高以過豪橫拂當道調永寧俱有惠政兩立生祠陞工部主事及員外郎中時武定侯郭勛權傾中外庭臣莫敢議雍獨劾其欺罔朝廷落職海北鹽課提舉後勛敗陞四川僉事以賀表行當道以其節操凜然有高山仰止之稱遂陞江西提學副使雍力挽文體復弘正間乃成心疾歸杜門養病十年足跡不入城市門戶蕭然所著有平川遺稿辨德稿南游漫稿

欽定四庫全書

卷一百十一

陸

字浚明長洲人嘉靖丙戌進士選庶吉士補工科給事中直言忤旨謫驛丞令永新有異政以

養母告歸浚明學術至深其所解義儒者多不逮屢抗疏言事詆斥用事者則尤烈烈引義雖流竄戮辱氣未嘗折下也可不謂骨鯁臣哉

陸師道

字子傳長洲人嘉靖戊戌進士初為禮部主事請告遂臥不起時高其志操有賢譽其處

也尤惇行義溫然長者隆慶初召拜尚寶司少卿奉使封蜀世子還復以病告歸

陸鏞

字時明崑山人嘉靖進士歷叅政

陸鰲

字鎮卿吳縣人嘉靖進士歷叅政

陸堂

字肯堂常熟人嘉靖壬辰由禮部郎中知撫州德器深厚終日無疾言遽色即忤之不為異至

所執一定屹不可移故法令雖寬而吏不能鉤致百姓一錢滿任陞江西副使以去

陸陽

字允方崑子舉嘉靖丁酉應天鄉試屢試南宮不第授江西大庾知縣改高淳所在咸著聲績

以不能阿上意引疾歸一時當道咸嘉勇退既歸深簡自重罕與客接攝衣冠謁長吏可計日

數性最剛直遇事雖不關已利害亦公言激發無所避忌士大夫多敬信之

祝太原商音周武王封黃帝之後於祝因氏又祝史之

祝後以官為氏又望出河南

祝鮀

衛人治宗廟

祝簡

晉大夫

漢祝良臨湘人順帝時為九真太守日南徼外蠻區憐

等破象林殺長史良到卑騎入賊中招以威信
降者數萬人嶺外復平初良為洛陽令大
早良暴身階庭引罪乃雨其誠信如此

祝恬字伯林中山人拜司徒

祝龜南鄭人劉焉為益州牧
辟之後撰漢中耆舊傳

唐祝尚邱江山人
為太學博士中制科

祝絺字叔良始平人少通經頗著
書曾諸家疑異詔對策高等

祝欽明字大思京兆人
中宗宴羣臣命侍臣起舞
欽明作八風舞時人語曰五經掃地矣

宋祝諫慶厯中上臨軒賜進士
第諫三男二壻俱入第

祝諮邱

治平中為太常少卿時夏國使至祝為館伴韓魏公科十事以授祝祝如所教答之夏人

伏聳

祝林宗

字有道熙豐間從山谷游山谷為書帖云士大夫胸中不時時以古今澆之則俗塵生其

中照鏡則面目可憎對人則語言無味

祝維岳

字周輔城武人申明法科為陵州司理叅軍秀州盜掠官粟捕十餘人論死趣就刑維岳

獨疑非盜爭不肯決久之盜擒而所爭者得活時羌虜數寇邊維岳轉餉出入虜中助曹瑋多破敵遷大理寺丞子四皆擢進士諫終屯田員外郎誥蔡州興令許并州軍事推官諮太常少卿

祝公明

麗水人主孟縣簿金人犯太原時公明率兵入援城陷死之子陶亦死國事

祝象器

登儒科為太學博士弟景先號二翁尤長者景先子確字永叔永叔子嶠字仲容從朱松

游聞伊洛之風而悅之祝氏世居江陵遷歙世以資力好善聞於州郡其生業幾有郡之半時

稱為祝

半州

祝確

歙人未熹外祖淳厚孝謹親喪廬墓一兄一弟先後死熙河不憚萬里徒步以歸其喪所舍輒

悲號上食如禮夜寢柩側不忍暫去親舊有盡室病卧者確每旦攜粥藥徧飲食之日以為常

凡遇貧乏輒傾財與之無吝色人多高其行云

祝禹圭

字汝玉信安人淳熙中知休寧縣事為政清簡下民安之嘗注東西銘解朱文公為作新

安道院記

祝穆字和甫景先三世孫幼孤與弟丙同從朱文公授業性溫行淳刻意向學下筆頃刻數百言以

儒學昌其家所著有事文類聚方輿勝覽諸書

祝洙

穆之子第寶祐進士景定中為涵江書院山長郡守徐直諒薦其趨向不凡學問有本其祖姑

實朱熹之母而其父穆嘗從熹於雲谷之間微言緒論目染耳濡洙在家庭講論精密比來涵江闡揚師訓發明經旨士論稱之

祝可久

鉛山人字德父從劉子羽立功西陲官至貴州刺史父歿不仕從容里中樂於為誼與弟

可大作鄉校招明師以訓士士林稱之

祝勛

衢州人淳熙中宣教郎知萬載縣事是時學廢監市者居之學官生徒頗萬僧舍勛乃復舊址

建學

祝華

字繼張婺源高安人弱冠登紹興二十四年進士授建康府上元縣主簿再調福州錄叅任滿

授衢州常寧令調嚴州改知衡陽縣當路舉其政績曰有實政無貪風以便養乞祠主管台州

崇道觀倅靜江府周益公葛侍郎列薦守象州改梧州差知南劍州未赴卒

祝拱卿

字德良建安人慷慨有志操出入張設幕下紹興中知長洲縣

祝松

景陵人舉進士初調長春主簿端平初以城誓死守古郢遺民立祠祀之

祝峴

字秀巖松江人為英拔豪濶篇翰清美與趙孟頫朱德潤為友氣誼相許任平江府總管

祝深

字通甫三衢人至道中知南安軍慈祥愷悌立教條五一曰修學化俗二曰戡吏愛民三曰清

訟省困四曰節用下士五曰歲豐時和百姓宜之相與立祠於學

元祝公榮

字大昌麗水人隱居養親事母至孝母汶柩在堂家人失火公榮力不能救乃伏棺悲哭

其火自滅鄉里異之塑二親像於堂朝夕事之如事生焉

祝蕃

至正間潯州經歷一夕課子讀書忽旋風滅炬戶外若有人稱黃氏來訴冤者比開戶視之四

無人跡詰旦審獄果有黃姓者竟得其冤狀兄弟同坐八人止罪其一餘皆釋之

祝堯

上饒人博學能文延祐中進士為江山尹後陞無錫州同知所著有大易演義策學提綱

明祝春

蒲州人洪武中以儒士舉為通政使叅議累陞詹事府少詹事學行超卓

祝芳年

廣信玉山人洪武三十三年興化縣丞廉謹寬恕視民如子後致仕去邑人稱賢佐者必

曰芳年云

祝挺

字正夫攻春秋左傳國初僉同趙伯中鎮饒擢挺叅隨官尋除金壇縣丞使蜀還上海知縣

過錢氏鼓衆起為變挺計平之尋大軍至將屠邑挺力請於相乃已民感之立碑後擢戶部主

事調浙江行省郎中

祝暹

祥符人宣德癸丑進士歷都御史

祝顥

字維清長洲人正統進士授刑科給事中材思精敏詩文典贍言論動引經傳聞者聳然歷山

西左叅政

祝萃

字惟貞海寧人成化甲辰進士歷副使

祝允明

字希哲別號枝山長洲人自少攻文辭多奇氣賦千言可立就而囊括事類無遺又善於

書筆法道勁風韻蕭散舉鄉貢仕知縣進應天府通判未幾致仕

祝瀾

字有本德興人登成化進士授兵科給事中不倫阿貽韋侃侃剛直以彗星變在修人事以彌

之舉致仕尚書王竑李秉都御史韓雍高明皆負人望不宜閒處及當時急務十餘忤旨調安州判官理馬政畜牧有方起為國子監丞上廟祀議以聖賢像宜從國初定制止祀木主路點鯉以父列於庶淵參役以子配於殿似非明道正倫之義宜別建一室祀叔梁紇以路點鯉配若公伯寮荀况之徒宜點其祀奏下禮部議調雲南廣西府經歷瀾為人慷慨尚氣節不以死

生禍福為意嘗曰為人臣以
身許國竭力吾事斃而後已

祝瀚

字惟容山陰人弱冠登成化甲辰進士拜刑部
主事歷員外郎中風采才望為時所推擢南昌

知府南昌郡附藩臬繁劇號難治瀚廉明有威
獄有疑滯者無不立斷時逆濠勢漸熾戕民黷
貨每有所干謁必嚴拒之郡民賴以全濟王府
有鶴帶牌者縱於街民家犬噬之濠牒府欲抵
罪傾奪其貲瀚批牒曰鶴雖帶牌犬不識字禽
獸相爭何預人事其制濠不能逞者類如此竟
以中傷謝事歸時年尚壯

杜門終其身未嘗入城府

祝弘舒

字文安溫江人正德八年進士任含山知縣
賑歉恤孤調太平民俗多不育女禁諭全活

甚衆歷兩淮運使為

人樂易中有義聚

祝壽

字仁齋 歷城人 正德戊辰進士 歷叅政

祝品

字公敘 龍游人 正德甲戌進士 歷叅政

祝鑒

字唱和 當塗人 正德戊辰進士 歷叅政

祝續

字堯緒 允明子 正德辛未進士 歷福建布政

祝繼皋

字師模 海寧人 嘉靖癸未進士 歷主事 子世廉 癸丑進士 世喬 戊辰進士

祝天保

字惟忠 唐山人 嘉靖丁未進士 歷叅政

祝堯煥

字德徵 濮州人 嘉靖癸丑進士 歷副使

祝繼志

字汝德 山陰人 嘉靖丙辰進士 歷江西叅議 儀貌俊偉 立志清脩 年三十而卒 惜未竟其

所究

祝爾介

字惟藩龍游人嘉靖丙辰進士任知縣

壘見千姓編不知所出

明

壘常

大足人宣德中任崇安縣丞

萬姓統譜卷一百十一